

ISIRELIBAN BANDUN GARI GBIIKII

À n gina Isireliban bandun garin tire gbiikiru gara kaa n̄e, Samuelin tirera ȳero u sua u ka tu yorua. Dafidin bandun gariya u m̄ò te Gusun̄on tii u sw̄ii. Ȳero u k̄i u sun s̄òsi ma Gusun̄o turowa u s̄aa Isireliban sina boko. Ma ben sinam be u ra sw̄ii mi, ba s̄aa win s̄am kowobu.

Ta maa sun s̄òm̄o ma Dafidiwa u s̄aa yerun banan himba ka ten s̄ama kpuron s̄òru kua. Ma u Lefiba b̄onu kua wuu wuuka s̄aarun s̄ò. Adama Salom̄owa u tu bana.

Tire ten kpunaa

1. Bwese t̄oki ka yin t̄ambun ȳisa, wiru 1n di sere wiru 9.
2. S̄òlun ḡò, wiru 10.
3. Dafidin bandun gari, wiru 11n di sere wiru 29.

ISIRELIBAN BWESE T̄OKI

Adamun bweserun t̄okan di

n ka girari Esaun bibun

bweser̄o

¹ Adamuwa u s̄aa Setin tundo. Ma Seti u maa En̄osi mara. ² Ma En̄osi u Kenani mara. Ma Kenani u Mahalal̄eeli mara. Ma Mahalal̄eeli u maa Yer̄edi mara. ³ Yer̄ediwa u En̄oku Mara. Ma En̄oku u Metusela mara. Ma Metusela u Lem̄eki mara. ⁴ Ma Lem̄eki u maa N̄owe mara. N̄owe wiya u s̄aa Semu ka Kamu ka Yafetin tundo.

⁵ Be ba s̄aa Yafetin bibu, bera Gomēe, ka Maḡogu, ka Madai, ka Yafani, ka Tubali, ka M̄eseki, ka sere maa Tirasi. ⁶ Be ba s̄aa Gomēen bibu, bera

Asikenasi, ka Rifati, ka Togaama. ⁷ Be ba sãa Yafanin bibu, bera Elisa, ka Taasisa, ka Kitimu, ka sere Dodanimu.

⁸ Kamun biba, Kusi, ka Misiraimu, ka Puti, ka sere Kanani. ⁹ Kusin biba maa, Saba, ka Hafila, ka Sabuta, ka Raema, ka sere Sabuteka. Be ba sãa Raeman bibu, bera Seba ka Dedani. ¹⁰ Kusi u maa bii mara wi ba sokumə Nimurodu. Wiya u gbia u kua wərugə dangii handunia səə. ¹¹ Misiraimuwa u Ludiba mara ka Ananiba, ka Lehabuba, ka Nafituba, ¹² ka Paturusigibu, ka Kasulugibu, min di Filisitiban bwesera yarima, ka sere Kafitorigibu. ¹³ Kananiwa u Sidoni ka Həti mara. Sidoni wiya u sãa win bii gbiikoo. ¹⁴ Kanani win bibu gaba ba kua Yebusiba, ka Aməreba, ka Girigasiba, ¹⁵ ka Hefiba, ka Aakiba, ka Siniba, ¹⁶ ka maa Aafadiba, ka Semarigibu, ka Hamatiba.

¹⁷ Be ba sãa Semun bibun bweseru, bera Elamu, ka Asuri, ka Aapasadi, ka Ludi, ka Aramu, ka Usi, ka Uli, ka Getεε, ka sere Mεseki. ¹⁸ Aapasadiwa u Sela mara. Ma Sela u maa Heberu mara. ¹⁹ Bii tən durəbu yiruwa Heberu u mara. Gbiikoon yīsira Pelegi. Yīsi ten tubusiana, ba bənu kua, yèn sō win waati səəra duniagiba tem bənu kua. Win wənən yīsira maa Yokutani. ²⁰ Yokutaniwa u Alimədadi mara, ka Selefū, ka Hasamafeti, ka Yeraa, ²¹ ka Hadoramu, ka Usali, ka Dikila, ²² ka Ebali ka Abimaēli, ka Seba, ka Ofiri, ka Hafila, ka Yobabu. ²³ Beni kpurowa ba sãa Yokutanin bibu.

²⁴ Semuwa u Aapasadi mara. Ma Aapasadi u maa Sela mara. ²⁵ Selawa u Heberu mara. Ma Heberu u Pelegi mara. Ma Pelegi u maa Rehu mara. ²⁶ Rehuwa u Serugu mara. Ma Serugu u Nakori

mara. Ma Nakori u maa Tera mara. ²⁷ Terawa u Aburamu mara wi ba maa sokumə Aburhamu.

²⁸ Aburhamun biba, Isaki ka Isimεeli. ²⁹ Ben bibun bweseru wee.

Isimεelin bii gbiikoowa Nebayətu. Win wənəba Kedaa, ka Adibeli, ka Mibusamu, ³⁰ ka Mikima, ka Duma, ka Masa, ka Hadadi, ka Tema, ³¹ ka Yeturi, ka Nafisi, ka sere Kedima. Beniwa ba sāa Isimεelin bibu.

³² Aburhamun kurə wi ba mə Ketura, win biba Simurani, ka Yokusani, ka Mədani, ka Madiani, ka Yisibaku, ka sere Sua. Yokusanin biba maa Seba ka Dedani. ³³ Madianin biba Efa, ka Efee, ka Enəku, ka Abida, ka Elida. Beni kpurowa ba sāa Keturān bibu ka win nikurəminu.

³⁴ Aburhamuwa u Isaki mara. Isakin biba Esau ka Isireli. ³⁵ Be ba sāa Esaun bibu, bera Elifasi, ka Reweli, ka Yeusi, ka Yalamu, ka sere Kore. ³⁶ Be ba sāa Elifasin bibu, bera Temani, ka Omaa, ka Sefi, ka Gatamu, ka Kenasi, ka Tinna, ka sere Amaleki. ³⁷ Be ba sāa Rewelin bibu, bera Nahati, ka Seraki, ka Sama, ka sere Misa. ³⁸ Seirin biba Lotani, ka Sobali, ka Sibeoni, ka Ana, ka Disoni, ka Esee, ka sere Disani. ³⁹ Be ba sāa Lotanin bibu, bera Hori, ka Homamu. Lotanin sesuwa Tinna. ⁴⁰ Be ba sāa Sobalin bibu, bera Aliani, ka Manahati, ka Ebali, ka Sefi, ka sere Onamu. Sibeonin biba maa Aya ka Ana. ⁴¹ Anan biiwa Disoni. Disonin biba maa Hamurani, ka Esibani, ka Yitirani, ka sere Kerani. ⁴² Be ba sāa Eseeen bibu, bera Bilani, ka Safani, ka Yakani. Be ba maa sāa Disanin bibu, bera Usi ka Arani.

*Edəmun sinambu
(I maa mεerio Torubu 36:31-43)*

⁴³ Sinam be ba bandu di Edomuə, Isireliba bu sere maa bandu swĩ ben temə, bera Bela, Beorin bii. Win wuun yĩsira Dinaba. ⁴⁴ Ye Bela u gu, ma Yobabu, Serakin bii, Botisiragii u gəna kəsire kua. ⁴⁵ Ye Yobabu u gu, ma Husamu, Temanigii u gəna kəsire kua. ⁴⁶ Ye Husamu u gu, ma Hadadi, Bedadin bii u gəna kəsire kua. Wiya u Madianiba go Məabun baru kpaanə. Win wuuwa Afiti. ⁴⁷ Ye Hadadi u gu, ma Samula, Masirekagii u gəna kəsire kua. ⁴⁸ Ye Samula u gu, ma Səəlu, Rehobətuugii u gəna kəsire kua. Rehobətu ye, ya wāawa daa bakarun bera gia. ⁴⁹ Ye Səəlu u gu, ma Baali Hanani, Akaborin bii, u gəna kəsire kua. ⁵⁰ Ye Baali Hanani u gu, ma Hadari, Paigii, u gəna kəsire kua. Win kurən yĩsira Məhetabeli, Matiredin bii, Məsaabun debubu.

⁵¹ Hadarin gəən biru, Edomuba ba bandu bənu kuawa bwese kera ka bwese kera. Be ba kua wirugibu bwese keri yi səə, bera Tinna, ka Alifa, ka Yeteti, ⁵² ka Oholibama, ka Ela, ka Pinəni, ⁵³ ka Kenasi, ka Temani, ka Mibisaa, ⁵⁴ ka Madieli, ka Iramu. Be ba kua ben bwese kerin wirugibu Edomuə, bera mi.

2

Yudan bibun bweseru

¹ Yakəbu wi ba maa sokumə Isireli, win bibun yĩsa wee. Rubeni, ka Simeə, ka Lefi, ka Yuda, ka Isakari, ka Sabuloni, ² ka Danu, ka Yosefu, ka Bənyaməe, ka Nəfitali, ka Gadi, ka Aseə.

³ Be ba maa sāa Yudan bibu, bera Eri ka Onani, ka Sela. Ben meroowa Sua, Kananigii. Eri, Yudan bii gbiikoo wi, u kəsa kua Yinni Gusunən nəni səə, ma Yinni Gusunə u dera u gu. ⁴ Tamaa Yudan biigii

kurɔwa u nùn Perəsi ka Seraki marua. Ma Yudan bibu kpuro ba kua tumbu nɔɔbu. ⁵ Be ba sãa Perəsin bibu, bera Həsironi, ka Hamulu. ⁶ Serakin biba maa Simiri, ka Etani, ka Hemani, ka Kalikoli, ka sere Dara. Be kpuro ba kuawa mi tumbu nɔɔbu. ⁷ Kaamiwa u Akani mara. Akani wiya u Isireliba nɔni swāaru kpɛɛ kōsa ye u kuan sō. U yānu sua ni Gusunɔ u nɛɛ bu kpeerasia mam mam. ⁸ Etanin biiwa Asaria. ⁹ Be ba maa sãa Həsironin bibu, bera Yerameɛli, ka Ramu, ka Kalebu, wi ba maa sokumɔ Kelubai.

¹⁰ Ramuwa u Aminadabu mara. Ma Aminadabu u maa Nasoni mara, wi u kua Yudaban wirugii.

¹¹ Nasoni wiya u Saluma mara. Ma Saluma u maa Boasi mara. ¹² Boasiwa u Yobedi mara. Ma Yobedi u maa Isai mara. ¹³ Eliabuwa u sãa Isain bii gbiikoo. Ma Abinadabu u sãa yiruse. Ma Sama u sãa itase.

¹⁴ Ma Netanɛli u sãa nnese. Ma Radai u sãa nɔɔbuse.

¹⁵ Ma Osemu u sãa nɔɔba tiase. Ma Dafidi u sãa nɔɔba yiruse. ¹⁶ Ben sesuba Seruya ka Abigali. Be ba sãa Seruyan bibu, bera Abisai ka Yoabu ka Asaeli. Ba sãawa mi, be ita. ¹⁷ Amasan merowa Abigali. Win tundowa maa Yetɛɛ, Isimɛli.

¹⁸ Kalebu, Həsironin bii u tɔn durɔbu ita mara ka win kurɔ Asuba. Bera Yesɛɛ ka Sobabu ka Aadoni. U maa ka Yeriɔtu mara. ¹⁹ Ye Asuba u gu, ma Kalebu u Efarata sua kurɔ. Ma Efarata wi, u nùn Huri marua.

²⁰ Huri wiya u Uri mara. Ma Uri u maa Besaleli mara.

²¹ Yen biru, ye Həsironi u kua wɔɔ wata, yera u Makiri, Galadin tndon bii sua kurɔ. Ma u nùn Segubu marua. ²² Segubu wiya u Yairi mara. Yairi wi, u wusu wawa yenda ita Galadin temɔ.

²³ Adama Gesuriba ka Sirigibu ba Yairin wuu si wɔri ba mwa ka Kenatin wusu ka sin baru kpaanu

kpuro. Su sãawa wusu wata. Be ba wãa wuu si sɔɔ kpuro, ba sãawa Makiri Galadin tundon debu-minu. ²⁴ Hesiironi, Abian durɔn gɔɔn biru, Kalebu u maa ka Efarata menna ma u nùn bii tɔn durɔ marua wi ba sokumɔ Asuri. Asuri wiya u sãa Tekoagibun sikado.

²⁵ Yerameeli, Hesiironin bii gbiikoon biba, Ramu, ka Buna, ka Oreni, ka Osemu, ka Akiya. Ramuwa u sãa ben gbiikoo. ²⁶ Yerameeli wi, u maa kurɔ goo sua wi ba sokumɔ Atara, Onamun mero. ²⁷ Ramu, Yerameelin bii gbiikoon biba Maasi, ka Yamini, ka Ekεε. ²⁸ Be ba sãa Onamun bibu, bera Samai, ka Yada. Be ba maa sãa Samain bibu, bera Nadabu ka Abisuri. ²⁹ Abisurin kurɔn yĩsira Abihaili. Wiya u nùn Akubani ka Mɔlidi marua. ³⁰ Be ba sãa Nadabun bibu, bera Seledi ka Apaimu. Seledi wi, u n̄ bii mara u ka gu. ³¹ Apaimuwa u Yisei mara. Ma Yisei u Sesani mara. Ma Sesani u maa Alai mara. ³² Be ba sãa Yada, Samain wɔnɔn bibu, bera Yetεε ka Yonatham. Yetεε wi, u n̄ bii mara u ka gu. ³³ Be ba sãa Yonatham bibu, bera Peleti ka Sasa. Beni kpurowa ba sãa Yerameelin bibun bweseru.

³⁴ Sesani u n̄ bii tɔn durɔbu mara. Bii tɔn kurɔbu tɔnawa u mara. Sesani wi, u Egibitigii goo mɔ yoo, wi ba ra soku Yara. ³⁵ Ma Sesani u win bii tɔn kurɔ sua u Yara win yoo Egibitigii wi wē u sua kurɔ. Ma u nùn Atai marua. ³⁶ Ataiwa u Natani mara. Ma Natani u maa Sabadi mara. ³⁷ Sabadiwa u Efilali mara. Ma Efilali u Obedi mara. ³⁸ Obediwa u Yehu mara. Ma Yehu u maa Asaria mara. ³⁹ Asariawa u Halesi mara. Ma Halesi u maa Elasa mara. ⁴⁰ Elasa wa u Sisimai mara. Ma Sisimai u maa Salumu mara. ⁴¹ Salumuwa u Yekamia mara. Ma Yekamia u Elisama mara.

⁴² Kalebu, Yerameelin mɔɔn bii gbiikoowa Mesa,

wi u sãa Sifun tundo ka Maresa wi u sãa Heboronin tundo. ⁴³ Be ba sãa Heboronin bibu, bera Kore, ka Tapua ka Reķemu, ka Sema. ⁴⁴ Semawa u Rakamu, Yockamun tundo mara. Reķemuwa u maa Sammai mara. ⁴⁵ Sammaiwa u Maoni mara. Ma Maoni u Beti Suri mara. ⁴⁶ Efa, Kalebun kurɔ goo, wiya u Harani, ka Mɔsa, ka Gasesi mara. Harani wi, u maa bii mara ma u nùn yĩsiru kã Gasesi. ⁴⁷ Be ba sãa Yadain bibu, bera Regemu ka Yotamu, ka Gesani, ka Peleti, ka Efa, ka Saafu. ⁴⁸ Maaka, Kalebun kurɔ goowa u Sebee ka Tirana mara. ⁴⁹ Yen biru u maa Saafu, Madimanan tundo mara, ka Sefa, Makibena ka Gibeau tundo. Kalebun u bii tɔn kurɔ mara. Wiya ba mɔ Akusa.

⁵⁰ Win kurɔ Efaratan bii gbiikoowa Huri. Bibu itawa Huri u mara. Bera Sobali wi u sãa Kiriati Yarimun kaba wuko, ⁵¹ ka Saluma, Betelehemun kaba wuko, ka Harefu, Beti Gedɛen kaba wuko. ⁵² Be ba sãa Sobali, Kiriati Yarimun kaba wukon bweseru, bera Haroegibu, ka Mɛnuhɔtugibun sukum, ⁵³ ka bwese keru yi yi wãa Kiriati Yarimuɔ. Yiya Yetɛɛba, ka Putiba, ka Sumatiba, ka Misiraiba. Bwese keru yin min diya Soreagibu ka Esitaoligibu ba yara.

⁵⁴ Saluman min diya Betelehemunugibu ba yara ka Netofagibu, ka Atarɔtu Beti Yoabugibu, ka Manahatigibun sukum, ka Soreagibu, ⁵⁵ ka be ba ra tirenu yore ba ka wãa Yabesiɔ. Bera Tireatigibu ka Simɛatigibu ka Sukatigibu. Ba sãawa Keniba be ba yara Hamatin bweserun di wi u sãa Reķabun bweserun sikado.

3

Dafidin bibun bweserun tãka

¹ Bii be Dafidi u mara Heboroniō ben yīsa wee. Aməə, Akinəamu Yisirēligiin biiwa u sāa gbiikoo. Ma Danieli, Abigali, Kaamēligiin bii u sāa yiruse. ² Ma Abusaləmu, Maakan bii u sāa itase. Maaka wi, u sāawa Talimai, Gesurin sina bokon bii. Ma Adoniya, Hagitin bii u sāa nnese. ³ Ma Sefatia, Abitalin bii u sāa nəəbuse. Ma Yitireamu, Egilan bii u sāa nəəba tiase. Egila wi, u maa sāawa Dafidin kurəbun turo. ⁴ Be nəəba tia yera ba nūn marua Heboroniō. Dafidi u bandu diwa Heboroni mi wəə nəəba yiru ka suru nəəba tia. Yen biruwa u maa bandu di Yerusalemuə wəə tənə ka ita. ⁵ Bii be u maa mara Yerusalemuə, bera Simeə, ka Sobabu, ka Natani ka Saloməə. Bibu nne ye, ya sāawa Bati Seba, Amiēlin biin bibu. ⁶ Dafidi u maa bibu gabu mara. Bera Yibaa, ka Elisua, ka Elifeleti, ⁷ ka Nəga, ka Nefegi, ka Yafia, ka Elisama, ⁸ ka Eliada, ka Elifeleti. Ba sāawa mi be nəəba nne. ⁹ Be ba sāa Dafidin bibu bera mi, win kurəbu gabun bibu baasi. Ben sesuwa Tamaa.

¹⁰ Saloməəwa u Roboamu mara. Ma Roboamu u Abiya mara. Ma Abia u Asa mara. Ma Asa u Yosafati mara. ¹¹ Ma Yosafati u Yoramū mara. Ma Yoramū u Akasia mara. Ma Akasia u Yoasi mara. ¹² Ma Yoasi u Amasia mara. Ma Amasia u Asaria mara. Ma Asaria u Yotamū mara. ¹³ Ma Yotamū u Akasi mara. Ma Akasi u Esekiasi mara. Ma Esekiasi u Manase mara. ¹⁴ Ma Manase u Aməə mara. Ma Aməə u Yosiasi mara. ¹⁵ Be ba sāa Yosiasin bibu, be wee. Yohananiwa u sāa gbiikoo. Ma Yoyakimu u sāa yiruse. Ma Sedesiasi u sāa itase. Ma Salumu u sāa nnese. ¹⁶ Be ba sāa Yoyakimun bibu, bera Yekonia ka Sedesiasi.

¹⁷ Be ba maa sāa Yekonian bibu, bera Asiri wi u Sealitieli mara, ¹⁸ ka Maakiramu, ka Pedaya, ka

Senasaa, ka Yekamia, ka Hosama, ka Nɛdabia. ¹⁹ Be ba sãa Pedayan bibu, bera Sorobabeli ka Simɛi. Be ba maa sãa Sorobabelin bibu, bera Mesulamu ka Hanania. Selomitiwa u sãa ben sesu. ²⁰ Pedaya wi, u maa bibu nɔɔbu gabu mara. Bera Hasuba, ka Ohɛli, ka Berekia, ka Hasadia, ka Yusabu Hesedi.

²¹ Be ba sãa Hananian bibun bweseru, bera Pelatia, ka Esai, ka Refayan bibu, ka Ananin bibu, ka Abudiasin bibu, ka Sekanian bibu. ²² Bibu nɔɔba tia Sekania u mara. Bera Semaya, ka Hatusi, ka Yigeali, ka Bariaki, ka Nɛaria, ka Safati. ²³ Bibu itawa Nɛaria u mara. Bera Elionai, ka Esekiasi, ka Asirikamu. ²⁴ Be ba maa sãa Elionain bibu, bera Hodafia, ka Eliasibu, ka Pelaya, ka Akubu, ka Yokanani, ka Delaya, ka Anani. Ba maa sãawa mi be nɔɔba yiru.

4

Yudan bibun bweseru

¹ Be ba sãa Yudan bibu, bera Peresi, ka Hesironi, ka Kaami, ka Huri, ka Sobali. ² Reaya, Sobalin biiwa u Yasati mara. Ma Yasati u Akumai ka Lahadi mara. Bera ba sãa Sorean bweserun tɔka.

³⁻⁴ Huri, Efaratan bii gbiikoo, Betelehemun kaba wuko, u bibu mara. Bera Etamu, ka Yisireeli, ka Yisima, ka Yidibasi, ka ben sesu Heseleponi, ka Penueli, Gedorin kaba wuko, ka Esee, Husan kaba wuko.

⁵ Kurɔbu yiruwa Asuri, Tekoan kaba wuko u mɔ. Bera Helea ka Naara. ⁶ Be Naara u nùn marua, bera Akusamu, ka Hefee, ka Temeni, ka Akasitari. ⁷ Be ba sãa Helean bibu, bera Sereti, ka Sokaa, ka Etinani.

⁸ Kɔsiwa u Anubu ka Sobeba mara. Hosi win min diya Akaakeli, Harumun biin bwese tɔka ya yara.

⁹ Yabesi u beere ma n kere win wənəbu. Win mero u nūn yīsi te kāwa yèn sō u wahala kua win marubu sō. ¹⁰ Yabesi wi, u kanaru kua u nee, Gusunə, Isireliban Yinni, a de wunen domaru ta n man wāasi. A nen tem kpāaru sosio. A wunen nəmu demio a man kōsu. Kpa a de nəni swāaru ka wahala yu ka man tonda.

Ma Gusunə u nūn kua ye u bikia.

¹¹ Kelubu, Sukan mōwa u Meki, Esitonin tundo mara. ¹² Esitoniwa u sāa Rafa ka Paseaki ka Tekinan yenugibun sikado. Tekina wiya u wuu ge ba mō Nakasi swīi. Ben bibun bwesera ta sina Reka.

¹³ Be ba sāa Kenasin bibu, bera Otinieli ka Seraya. Otinielin biiwa maa Hatati. ¹⁴ Menətaiwa u Ofara mara. Ma Seraya u maa Yoabu mara. Yoabu wiya u sāa səm kowobun sikado be ba wāa wəwə ye ba mō Nəman səm kowobun wəwa.

¹⁵ Kalebu, Yefunen biiwa u Iru ka Ela ka Naamu mara. Elawa u maa Kenasi mara.

¹⁶ Be ba sāa Yehaleelin bibu, bera Sifu, ka Sifa, ka Tiria, ka Asareli.

¹⁷⁻¹⁸ Esidasin biba Yetee, ka Meredi, ka Efee, ka Yaloni. Meredi u Bitiya Egibiti sunən bii wəndia sua kurə, ma u nūn Mariamu ka Samai ka Yisiba marua. Yisiba wiya u wuu ge ba mō Esiteməa swīi. Ma Meredi wi, u maa kurə Yuda goo sua. Wiya u Yeredi mara, ka Hebee, ka Yekutieli. Yerediwa u wuu ge ba mō Gedori swīi, ma Hebee u maa Soko swīi, ma Yekutieli u maa Sanəa swīi.

¹⁹ Hodiya u Nakamun sesu sua kurə. Win bibun bwesera Gaamiba be ba wāa Keilə ka sere Maakagibu be ba wāa Esiteməa.

²⁰ Be ba sāa Siməən bibu, bera Amə, ka Rina, ka Beni Hanani, ka Tiloni. Be ba maa sāa Yisein bibun bweseru, bera Soketi ka win bii.

²¹ Be ba sãa Sela, Yudan biin bweseru, bera Eri, wi u wuu ge ba m̀ Leka swĩ, ka Lada, wi u maa Maresa swĩ, ka sere maa bwese te ta ra beka wesi ka w̃εε dangii B̃eti Asibeaa, ²² ka Yokimu ka t̃an be ba w̃aa Kosebaa ka Yoasi ka Şarafu be ba M̃abuba sua kur̃abu, ba sere na ba sina Les̃emũ. Yeni ya koorawa yee yellun di. ²³ Ben bibun bwesera ta ra wekenu m̃am. Ba ra n w̃aa d̃aa gbaaño ka kpara yeno ba n sina boko s̃amburu kuamm̃ε.

Sim̃ε̃n bibun bweseru

²⁴ Be ba sãa Sim̃ε̃n bibun bweseru, bera Ñemũeli, ka Yamini, ka Yaribu, ka Seraki, ka S̃õlu. ²⁵ Ye S̃õlu u seewa, yera u Salumu mara. Ma Salumu u maa seewa u Mibusamu mara. Ma Mibusamu u maa Misama mara. ²⁶ Ye Misama u seewa, yera u Hamũeli mara. Ma Hamũeli u maa seewa u Sakuri mara. Ma Sakuri u maa Sim̃ei mara. ²⁷ Bii t̃an dur̃abu w̃akura ñõbu ka tia Sim̃ei u mara ka sere bii t̃an kur̃abu ñõba tia. Ben bweseru ta ñ mara n dabi. Yen s̃ona ta ñ kuure too nge Yudan bweseru.

²⁸⁻³¹ Wuu si s̃õ ba w̃aa sere n ka girari Dafidin bandun waati s̃õ, si ka sin baru kpaanu, siya Beri Seba, ka M̃olada, ka Hasaa Suali, ka Bila, ka ̃Etis̃emu, ka Toladi, ka Betũeli, ka H̃õma, ka Sikilagi, ka B̃eti Maakab̃oti, ka Hasaa Susimu, ka B̃eti Bire, ka Saaraimu, ³² ka maa wusu ñõbu yeni, Etamu, ka Aini, ka Rim̃õ, ka Tok̃eni, ka Asani, ³³ ka sere maa wuu si su ka bu sikerene ka sin baru kpaanu n ka girari sere Balatĩo. Ye ba yorua ben w̃aa yenu ka ben bwese t̃okan s̃o, yera mi.

³⁴ Be ba sãa Sim̃ε̃n bwese keran wirugibu, bera M̃esobabu, ka Yamuleki, ka Yosa, Amasian

bii, ³⁵ ka Yoeli ka Yehu, Yosibian bii, Serayan debubu, Asielin sikadobu, ³⁶ ka Elionai, ka Yaakoba, ka Yesosaya, ka Asaya, ka Adieli, ka Yesimieli, ka Benaya, ³⁷ ka Sisa, Sifein bii, Alonin debubu, Yedaya ka Simuri ka Semayan sikadobu. ³⁸ Beniwa ba sãa wirugibu ben bwese kerɪ sɔɔ. Ma ben bwesera marura ba dabia. ³⁹ Ma ba da Gedorin bera gia n ka da wɔwan sɔɔ yari yeru gia bu ka yakasu kasu ben yaa sabenun sɔ. ⁴⁰ Ba yaka geesu wa mi. Ben tem mɛ, mu kpã. Ma mu wãa bɔri yɛndu sɔɔ. Domi be ba raa wãa mi yellu ba sãawa Kamun bweseru. ⁴¹ Esekiasi, Yudaban sina bokon waati sɔɔra tɔn be, ba na tem mɛ sɔɔ, ma ba Maoniba kpeerasia mam mam. Ma ba ben kunu wɔri ba kɔsuka. Ma ba sina tem mɛ sɔɔ. Domi yakasu wãa mi, ben yãanun sɔ.

⁴² Simɛɔn bwese keran tɔmbu gabu ba da Seirin guurɔ. Ben geera sãawa tɔmbu nɛɛra wunɔbu (500). Be ba maa sãa ben wirugibu, bera Pelatia, ka Nɛaria, ka Refaya, ka Usieli, Yisein bii. ⁴³ Ma ba Amaleki be ba tie mi go. Ma ba sina mi, sere ka gisɔn gisɔ.

5

Rubenin bwese keran tɔmbu

¹ Rubeni u sãawa Isirelin bii gbiikoo. N deema Rubeni wi, u ka win tondon kurɔ kpuna. Ma ba win yerumaru mwa ba win wɔnɔ Yosefun bibu wɛ. Yen sɔna ba ñ win bwese keran tɔmbun yĩsa tireru doke yerumarun swaa sɔɔ. ² Isirelin bii be sɔɔ, Yudawa u dam bo. Win bwese keran diya kparo u yara. Adama Yosefun biba ba yerumaru wɛ.

³ Be ba sãa Rubeni, Isirelin bii gbiikoon bibu, bera Enaku, ka Paalu, ka Hesironi, ka Kaami.

⁴ Yoeliwa u Semaya mara. Ma Semaya u seewa u Gogu mara. Ma Gogu u maa seewa u Simeï mara.

⁵ Ye Simëi u seewa, ma u Misee mara, ma Misee u seewa u Reaya mara. ⁶ Ma Reaya u seewa u Baali mara. Ma Baali u seewa u Beera mara. Wiya u sãa Rubeniban wirugii. Wiya Tigilati Pilesee, Asirin sina boko u yoru mwa.

⁷ Beeran tãmbun yĩsa wee nge me ba ka bu tireru doke yenu ka yenu, bwese kera ka bwese kera, ka nge me ba ka kerane. Yeyeliwa u sãa ben gbiikoo. Ma Sakari u swĩi, ⁸ ka Bela, Asasin bii, Seman debubu, Yoelin sikadobu.

Belan tema Aroen di, n ka da guu te ba m̀ Nẽbo, sere ka Baali Mẽoni. ⁹ Sõo yari yeru gia, win tem mu wãawa saa Efaratin daarun di sere n ka da gbaburun duu yer. Domi ben yaa sabenu nu dabia Galadin tem me sã. ¹⁰ Sõlu, sina bokon waati sã, ba ka Hagareniba tabu kua ba kamia. Ma ba sina ben wãa yenõ Galadin são yari yerun bera gia kpuro.

Gadin bwese keran tãmbu

¹¹ Gadin bwese keran tãmbu ba sina Rubeniban deedeeru são yẽsan nom geu gia, Basanin temõ sere n ka girari Salikaõ são yari yeru gia. ¹² Yoelin bwese kera ya kpãaru bo. Ma Safamugia ya sãa yiruse. Ma Yanaigia ka Safatigia ya wãa Basaniõ. ¹³ Bwese kerri nõõba yiru gee maa wãa. Yiya Mikaelin bwese kera, ka Mesulamugia, ka Sebagia, ka Yoraigia, ka Yakanigia, ka Siagia, ka sere Ebeegia. ¹⁴ Be ba sãa Abihailin bibun bweseru, bera Huri, ka Yaroasi, ka Galadi, ka Mikaeli, ka Yesisai, ka Yado, ka sere Busi.

15 Aki, Abudielin bii, Gunin debubuwa u sãa ben wirugii. 16 Gadin bwese kerin tøn be, ba wãawa Galadiõ ka Basaniõ ka yen baru kpaanõ ka yen kpara yenõ saa Saronin di n ka da yen nõõ bura yenõ.

17 Ba ben bwese keru yi kpuro tireru dokewa nge me yi ka swĩine, Yotamu Yudaban sina boko ka Yeroboamu Isireliban sina bokon waati sãõ.

18 Rubenin bwese kera ka Gadigia ka sere Manasen bwese keran bonu ba tabu durõ damgibu mõ be ba koo kpĩ bu tereru ka takobi nenε kpa bu tendu to. Ba maa tabu tobu yẽ gem gem. Ben geera sãawa tõmbu nõrõbun suba weeru ka nne ka tõmbu nata ka wunõbu ka wata (44.760). Ba maa sãõru sãa bu ka tabu to. 19 Ma ba Hagareniba ka Yeturigibu, ka Nafisigibu, ka Nõdabugibu tabu wõri. 20 Sanam me ba taa bi mð, ba Yinni Gusunõ somiru kana domi ba ben naanε doke wi sãõ. Ma ba Hagarenigii be, ka be ba bu somiru na kamia. 21 Ma ba ben yaa sabenu mwεεra. Niya yooyoosu nõrõbun suba weeraakuru (50.000) ka yãa ninu nõrõbun suba goobu ka weeraakuru (250.000) ka ketekunu nõrõbun suba yiru (2.000) ka sere tõmbu nõrõbun suba wunõbu (100.000). 22 Tøn be ba go taa bi sãõ, ba dabi. Domi Yinni Gusunõwa u dera n kooru me. Ma ba sina tem mi sere n ka tura saa ye ba bu yoru mwa ba ka doona.

Manasen bwese kera

23 Manasen bwese keran sukum mu na mu sinawa tem me mu wãa Basaniõ, n ka da Baali Hεεmõõwõ ka Seniriõ, sere ka guu te ba mð Hεεmõõ. Tøn be, ba dabi. 24 Ben wirugibun yĩsa wee. Efeε, ka Yisei, ka Elieli, ka Asirieli, ka Yeremi, ka Hodafia, ka

Yadieli. Ba sāawa tən durə wərugəba, ma ba yĩsiru yara.

²⁵ Adama ba Gusunə ben baababan Yinni torari. Ba bwese tukunun būnu sāwa ni u raa kam koosia.

²⁶ Yen sōna wi, Gusunə Isireliban Yinni u dera Asirin sinam beni, Pulu ka Tigilati Pilesεε ba Rubeniba, ka Gadiba, ka Manasen bwese keran sukum yoru mwεεra ba ka da Salasiə, ka Saboriə, ka Harəə, ka sere Gosanin daarun bəkuə. Miya ba wāa sere ka gisə.

Lefi be ba sāa yāku kowo

tənwerobu

²⁷ Be ba sāa Lefin bibu, bera Gεεsəni, ka Kehati, ka Merari. ²⁸ Ye Kehati u seewa, ma u Amuramu ka Yisehari ka Heboroni ka Usieli mara. ²⁹ Ye Amuramu u seewa, ma u Aroni ka Məwisi ka Mariamu mara. Ma Aroni u maa seewa u Nadabu ka Abihu ka Eleasaa ka Itamaa mara. ³⁰ Ye Eleasaa u seewa, ma u Finεεsi mara. Ma Finεεsi u seewa u Abisua mara. ³¹ Ye Abisua u seewa ma u Buki mara. Ma Buki u seewa u Usi mara. ³² Ye Usi u seewa, ma u Seraya mara. Ma Seraya u seewa u Merayətu mara. ³³ Ye Merayətu u seewa, ma u Amaria mara. Ma Amaria u seewa u Akitubu mara. ³⁴ Ye Akitubu u seewa, ma u Sadəku mara. Ma Sadəku u seewa u Akimasi mara. ³⁵ Ye Akimasi u seewa, ma u Asaria mara. Ma Asaria u seewa u Yokanani mara. ³⁶ Ye Yokanani u seewa, ma u Asaria mara. Asaria wiya u ra yākunu ko Yinni Gusunən sāa yerə te Saloməə u bana Yerusaleməə. ³⁷ Ye Asaria wi, u seewa, ma u Amaria mara. Ma Amaria u seewa u Akitubu mara. ³⁸ Ye Akitubu u seewa ma u Sadəku mara. Ma Sadəku u seewa u Salumu mara. ³⁹ Ye Salumu u seewa, ma u Hilikiya mara. Ma Hilikiya u seewa u Asaria mara. ⁴⁰ Ye

Asaria u seewa ma u Seraya mara. Ma Seraya u seewa u Yosadaki mara. ⁴¹ Sanam me Yinni Gusuno u dera Nebukanesa u Yudaba ka Yerusalemugibu yoru mwera u ka doona, ka Yosadaki wi sanna mi.

6

Lefin bwese keran

tambu gabu

¹ Lefiwa u Gεεsɔni ka Kehati ka Merari mara. ² Ye Gεεsɔni u seewa, ma u Libini ka Simɛi mara. ³ Be ba sãa Kehatin bibu, bera Amuramu, ka Yisehari, ka Heboroni, ka Usieli. ⁴ Be ba maa sãa Merarin bibu, bera Makili ka Musi. Beni kpurowa ba kua wirugibu Lefin bwese keri sɔɔ.

⁵ Ma Gεεsɔni u seewa u Libini mara. Ma Libini u seewa u Yasati mara. Ma Yasati u seewa u Simma mara. ⁶ Ma Simma u seewa u Yoasi mara. Ma Yoasi u seewa u Ido mara. Ma Ido u seewa u Seraki mara. Ma Seraki u seewa u Yatarai mara.

⁷ Kehatiba sɔɔ, Kehati u seewa u Aminadabu mara. Ma Aminadabu u seewa u Kore mara. Ma Kore u seewa u Asiri mara. ⁸ Ma Asiri u seewa u Elikana mara. Ma Elikana u seewa u Abiasafu mara. Ma Abiasafu u seewa u Asiri mara. ⁹ Ma Asiri u seewa u Tahati mara. Ma Tahati u seewa u Urieli mara. Ma Urieli u seewa u Osiasi mara. Ma Osiasi u seewa u Sɔɔlu mara.

¹⁰ Be ba sãa Elikanan bibu gabu, bera Amasai ka Akimoti. ¹¹ Ahimotin bweseru sɔɔ, Akimoti u seewa u Elikana mara. Ma Elikana u seewa u Sofai mara. Ma Sofai u seewa u Nahati mara. ¹² Ma Nahati u seewa u Eliabu mara. Ma Eliabu u seewa u Yeroamu mara. Ma Yeroamu u seewa u Elikana goo mara. ¹³ Samuelin biba maa sãa Yoeli ka Abiya.

14 Merarin bwese kera sǎǎ, Merari u seewa u Makili mara. Ma Makili u seewa u Libini mara. Ma Libini u seewa u Simēi mara. Ma Simēi u seewa u Usa mara. 15 Ma Usa u seewa u Simēa mara. Ma Simēa u seewa u Hagiya mara. Ma Hagiya u seewa u Asaya mara.

16 Sanam mē ba Yinni Gusunǎn woodan kpakororu yii yeru waawa, sanam mēya Dafidi u Lefi ben gabu kua wom kowobun wirugibu Yinni Gusunǎn sǎa yerǎ. 17 Bera ba ra wom kowobu kpare Yinni Gusunǎn kuu bekurugirun wuswaaǎ sere Salomǎǎ u ra ka Yinni Gusunǎn sǎa yeru bana Yerusalemǎǎ. Ba ben sǎmburu kuawa dee dee nge mē ba bu ten wooda wē.

18 Be ba kua wom kowobun wirugibu ka ben bibun bweseru wee.

Kehatin bweseru sǎǎ, Hemaniwa u sǎa wom kowobun wirugii. Win sikadobara Yoeli ka Samuēli, 19 ka Elikana, ka Yeroamu, ka Elieli, ka Toa, 20 ka Sufu, ka Elikana, ka Mahati, ka Amasai, 21 ka maa Elikana goo, ka Yoeli goo ka Asaria, ka Sofoni, 22 ka Tahati, ka Asiri, ka Abiasafu, ka Kore, 23 ka Yisehari, ka Kehati, ka Lefi, ka Isireli.

24 Asafu u maa sǎawa wom kowobun wirugii turo. Wiya u ra n wǎa Hemanin nǎm geuǎ u n nǎn somimǎ. Win sikadobara Berekiā, ka Simēa, 25 ka Mikaeli, ka Baaseya, ka Maakiya, 26 ka Etini, ka Seraki, ka Adaya, 27 ka Etani, ka Simma, ka Simēi, 28 ka Yasati, ka Geesǎni, ka Lefi.

29 Merarin bweseru sǎǎ, be ba ra womusu ko, ba ra n wǎawa Hemanin nǎm dǎwaru gia. Ben wirugiiwa Etani. Etani win sikadobara Kisi, ka Abudi, ka Maluku, 30 ka Hasabia, ka Amasia, ka

Hilikiya, ³¹ ka Amusi, ka Sani, ka Semεε, ³² ka Makili, ka Musi, ka Mεrari, ka Lefi.

³³ Ben mεro bisi be ba tie, bera ba ra sɔma ko ye ya wāa Yinni Gusunɔn sāa yerɔ kpuro.

³⁴ Aroni ka win bibun bwesera ba ra yāku dōɔ mwaararuginu ko yāku yeru wallo kpa bu maa turare dōɔ doke mi. Bera ba ra sɔma kpuro ko dii te ta dεere gem gem sɔɔ kpa bu torarun yākunu ko Isireliban sō nge mε Mōwisi, Gusunɔn sɔm kowo u bu yiire. ³⁵ Aronin bweserun tōka wee. Aroni u seewa u Eleasaa mara. Ma Eleasaa u seewa u Finεεsi mara. Ma Finεεsi u seewa u Abisua mara. ³⁶ Ma Abisua u seewa u Buki mara. Ma Buki u seewa u Usi mara. Ma Usi u seewa u Seraya mara. ³⁷ Ma Seraya u seewa u Mεrayɔtu mara. Ma Mεrayɔtu u seewa u Amaria mara. Ma Amaria u seewa u Akitubu mara. ³⁸ Ma Akitubu u seewa u Sadɔku mara. Ma Sadɔku u seewa u Akimasi mara.

Wuu si ba Lefin bibun

bweseru wē

³⁹ Ye ba tεtε toba, be ba gbia ba tem wē bera Kehatin bwese keragibu, Aronin bweseru sɔɔ. Ben wāa yenu ka ben kpara yenu ka ben tem nɔɔ bura yenu wee. ⁴⁰ Niya Heboroni ye ya wāa Yudan temɔ ka yen kpara yenu ni nu ka ye sikerenε. ⁴¹ Adama yen baru kpaanu, Kalεbu, Yεfunen biiwa ba mi wē. ⁴² Wuu si ba Aronin bibun bweseru wē, siya Heboroni mi ba ko n da kpikiru de, ka Libina ka yen kpara yenu, ka Yatiri, ka Esitemɔa ka yen kpara yenu, ⁴³ ka Hileni ka yen kpara yenu, ka Debiri ka yen kpara yenu, ⁴⁴ ka Asani ka yen kpara yenu, ka Bεti Semεsi ka yen kpara yenu, ⁴⁵ ka Bεnyamεen tem wuu sini, Gibeα ka yen kpara yenu, ka Alemεti

ka yen kpara yenu, ka Anatotu ka yen kpara yenu. Wuu si kpuro su kuawa mi wakura ita nge me bwese keru yi, yi geeru ne.

⁴⁶ Ye ba maa tete toba, Kehatin bibun bwese te ta tie, ta wusu wakuru wa Efaraimun bwese keran tem soa ka Danun bwese keragim soa, ka Manasen bwese keran sukungim soa. ⁴⁷ Geesonin bibun bweseru ta wusu wawa wakura ita nge me ben bwese kerin geera ne. Wuu si, su wawa Isakaran bwese keran tem soa ka Aseen bwese keragim soa, ka Nefitalin bwese keragim soa ka Manasen bwese keragim soa Basanio. ⁴⁸ Ye ba maa wure ba tete toba, wusu wakura yirawa Merarin bibun bwesera wa Rubenin bwese keran tem soa, ka Gadigian tem soa, ka Sabulonigian tem soa nge me ben bwese kerin geera ne. ⁴⁹ Isireliba ba maa Lefiba wusu gasu we ka sin kpara yenu. ⁵⁰ Ba wuu si gosawa ka tete Yudan bwese keran tem, ka Simeon bwese keragim soa, ka Benyamen bwese keragim soa.

⁵¹ Kehatin bibun bwese te ta maa tie, ta wusu wawa Efaraimun bwese keran tem soa. ⁵² Wuu si ba bu we, siya Sikemu ye ya waa Efaraimun guura, ka yen kpara yenu. Miya ba ko n da kpikiru de. Ka Gesee ka yen kpara yenu, ⁵³ ka Yokumeamu ka yen kpara yenu, ka Beti Horoni ka yen kpara yenu, ⁵⁴ ka Ayaloni ka yen kpara yenu, ka sere maa Gati Rimaa ka yen kpara yenu. ⁵⁵ Wuu si Manasen bwese keran sukum mu maa wa, siya Anee ka yen kpara yenu, ka Bileamu ka yen kpara yenu. Siya ba Kehatin bwese keragii be ba tie we.

⁵⁶ Ba maa Geesonin bwese keran tambu wusu we. Wuu si ba wa Manasen bwese keran sukum min di, siya Golani ye ya waa Basanio ka yen kpara

yenu, ka Asitarōtu ka yen kpara yenu. ⁵⁷ Wuu si ba wa Isakarin bwese keran min di, siya Kedesi ka yen kpara yenu, ka Dabarati ka yen kpara yenu, ⁵⁸ ka Ramoti ka yen kpara yenu, ka sere Anemu ka yen kpara yenu. ⁵⁹ Wuu si ba wa Aseen bwese keran min di, siya Masikali ka yen kpara yenu, ka Abudoni ka yen kpara yenu, ⁶⁰ ka Hukoku ka yen kpara yenu, ka sere Rehabu ka yen kpara yenu. ⁶¹ Wuu si ba wa Nefitalin bwese keran min di, siya Kedesi ye ya waa Galilen temo ka yen kpara yenu, ka Hamoo ka yen kpara yenu, ka sere Kiriataimu ka yen kpara yenu.

⁶² Ba Lefi be ba tie Merarin bweseru soo wusu we. Wuu si ba wa Sabulonin bwese keran min di, siya Rimono ka yen kpara yenu, ka Tabori ka yen kpara yenu. ⁶³ Wuu si ba wa Rubenin bwese keran min di Yuudenin guru gia, Yerikon deedeeru soo yari yeru gia, siya Beseri ye ya waa tem saarao ka yen kpara yenu, ka Yasa ka yen kpara yenu, ⁶⁴ ka Kedemoti ka yen kpara yenu, ka sere Mefati ka yen kpara yenu. ⁶⁵ Wuu si ba maa wa Gadin bwese keran min di, siya Ramoti, Galadin temo ka yen kpara yenu, ka Mahanaimu ka yen kpara yenu, ⁶⁶ ka Hesiboni ka yen kpara yenu, ka sere Yasee ka yen kpara yenu.

7

Isakarin bibun bweseru

¹ Bibu nnewa Isakari u mara. Bera Tola, ka Pua, ka Yasubu, ka Simuroni. ² Tolan biba Usi, ka Refaya, ka Yerieli ka Yamai, ka Yibisamu, ka sere Samueli. Bera ba saa wirugibu ben yenuso, Tolan bwese kera soo. Ba saawa worugaba ben waati ye soo. Dafidin waati soo, ben geera saawa norobun

suba yenda yiru ka tumbu nata (22.600). ³ Usin biiwa Yisiraya. Yisiraya ka win bibu ba sãawa be wirugibu nɔɔbu. Win bii bera Mikaeli, ka Abudiasi, ka Yoeli, ka Yisiya. ⁴ Be ba wãa ka be sannu, tɔn kurɔbu ka bibu ba dabi sere ba koo kpĩ bu tɔn durɔbu nɔrɔbun suba tɛna ka nɔɔba tia (36.000) wa be sɔɔ be ba koo kpĩ bu tabu ko.

⁵ Isakarın bwese kera sɔɔ, be ba tireru doke, ben geera sãawa nɔrɔbun suba wɛnɛ ka nɔɔba yiru (87.000). Be kpuro ba sãawa wɔrugɔba.

Benyamɛɛ ka Nefitalin

bibun bweseru

⁶ Bibu itawa Benyamɛɛ u mara. Bera Bela, ka Bekɛɛ, ka Yedieli. ⁷ Bibu nɔɔbuwa Bela u mara. Bera Esiboni, ka Usi, ka Usieli, ka Yerimɔti, ka maa Iri. Ben baawure u sãawa win bwese keran wirugii. Be kpuro maa wɔrugɔbara. Ba bu tireru doke ma ben geera kua nɔrɔbun suba yenda yiru ka tumbu tɛna ka nnɛ (22.034). ⁸ Bekɛɛn biba Semira, ka Yoasi, ka Eliesɛɛ, ka Elionai, ka Omiri, ka Yeremɔti, ka Abiya, ka Anatɔtu, ka Alamɛti. Beni kpurowa ba sãa Bekɛɛn bibu. ⁹ Ma ba bu tireru doke nge mɛ ba ka swĩine bwese kera ye sɔɔ. Be kpuro ba sãawa yɛnu yẽro wɔrugɔba. Ma ben geera sãa tɔnu nɔrɔbun suba yendu ka goobu (20.200). ¹⁰ Yedielin biiwa Bilihani. Bilihanin biba maa Yeusi, ka Benyamɛɛ, ka Ehudu, ka Kenaana, ka Setani, ka Taasisi, ka sere Akisasaa. ¹¹ Be kpuro ba sãawa Yedielin bibun bweseru. Be kpuro maa wɔrugɔbara. Ma ben baawure u sãa wirugii win bwese kera sɔɔ. Ben geera sãawa nɔrɔbun suba wɔkura nɔɔbu ka yiru, ka tumbu goobu (17.200) be ba koo kpĩ bu tabu ko.

¹² Supimu ka Hupimu ba sãawa Irin bibu. Ma Husimu u maa sãa Akεεn bii.

¹³ Nεfitalin biba Yasieli, ka Guni, ka Yesεε, ka sere Salumu. Beni kpuro ba sãawa Bilihan nikurōminu.

Manasen bibun bweseru

¹⁴ Bii be Manase u ka win kurō Sirigii mara, bera Asirieli ka Makiri wi u sãa Galadin tundo. ¹⁵ Makiri wiya u Hupimu ka Supimu kurōbu sua. Win sesun yīsira Maaka. Win bii yirusen yīsira Selofadi. Bii tōn kurōba Selofadi wi, u mara. ¹⁶ Maaka, Makirin kurō u bii tōn durō mara ma ba nūn yīsiru kã Peresi. U maa wure u bii tōn durō mara ma ba nūn yīsiru kã Seresi. Seresi wiya u Ulamu ka Rekeḡmu mara. ¹⁷ Ulamun biiwa Bedani.

Beniwa ba sãa Galadi, Makirin bii, Manasen debubun bibun bweseru.

¹⁸ Hamōleketi, Galadin sesuwa u Isodu ka Abiesεε ka Mala mara. ¹⁹ Be ba sãa Semidan bibu, bera Akiyani ka Sikεmu ka Likisi ka sere Aniamu.

Efaraimun bibun bweseru

²⁰ Efaraimun bibun bweseru wee. Efaraimu u Sutelaki mara. Ma Sutelaki u Beredi mara. Ma Beredi u Tahati mara. Ma Tahati u Eleada mara. Ma Eleada u Tahati mara. ²¹ Ma Tahati u Sabadi mara. Ma Sabadi u Sutelaki mara. Efaraimu u maa bibu yiru mara, Sutelaki baasi, beya Eσεε ka Eleadi. Bera ba Gatigibu wōri bu ka sibun yaa sabenu mwa. Adama Gatigii be, siba bu go. ²² Ma Efaraimu u gōō wooru sina n ka te. Ma win mεro bisibu ba na ba nūn nukuru yemiasia. ²³ Yen biruwa u ka win kurō menna, ma u gura sua u bii tōn durō mara. Ma ba nūn yīsiru kã Beria yèn sō u nuku sankiranu wa win yenuō. ²⁴ U maa bii tōn kurō mara wi ba mō Seraki. Wiya u Beti Horoni bana ye ya wãa wōwao,

ka ye ya wãa gunguru wãllɔ, ka maa Uɛni Seera. ²⁵ Ma Beria wi, u seewa u Refa mara. Ma Refa u seewa u Resɛfu mara. Ma Resɛfu u seewa u Telaki mara. Ma Telaki u seewa u Takani mara. ²⁶ Ma Takani u seewa u Ladani mara. Ma Ladani u seewa u Amihudu mara. Ma Amihudu u seewa u Elisama mara. ²⁷ Ma Elisama u seewa u Nuni mara. Ma Nuni u seewa u Yosue mara.

²⁸ Tem mɛ ba wa ba sina mɛya Beteli ka yen wuu si su ka ye sikerenɛ. Siya Naarani ye ya wãa sɔɔ yari yeru gia ka Gesɛɛ ye ya wãa sɔɔ duu yeru gia ka yen baru kpaanu, ka Sikɛmu ka yen baru kpaanu, n ka girari Gasaa ka yen baru kpaanɔ.

²⁹ Tem mɛ Manasen bibun bwesera wa, mɛya Beti Seani ka yen baru kpaanu, ka Taanaki ka yen baru kpaanu, ka Mɛgido ka yen baru kpaanu, ka sere Dori ka yen baru kpaanu.

Wuu si sɔɔra Yosefu, Isirelin biin bibun bwesera sina.

Asɛɛn bibun bweseru

³⁰ Be ba sãa Asɛɛn bibu, bera Yimina ka Yisifa ka Yisifi ka Beria ka sere ben sesu Seraki. ³¹ Be ba sãa Berian bibu, bera Hebɛɛ ka Maakieli. Maakieli wiya u wuu ge ba mɔ Biisafiti swĩi. ³² Hebɛɛwa u Yafiletin mara ka Somɛɛ ka Hotamu ka sere ben sesu Sua. ³³ Be ba sãa Yafiletin bibu, bera Pasaki ka Bimali ka sere Asifati. Be ba sãa Yafiletin bibu, bera mi. ³⁴ Be ba sãa Samɛɛn bibu, bera Aki ka Roga ka Huba ka sere Aramu. ³⁵ Be ba sãa win wɔnɔ Helɛmun bibu, bera Sofaki ka Yimina ka Selɛsi ka sere Amali. ³⁶ Be ba sãa Sofakin bibu, bera Sua ka Haanɛfɛɛ ka Suali ka Beri ka Yimura, ³⁷ ka Beseri ka Hɔdu ka Samma ka Silisa ka Yitirani ka sere Beera. ³⁸ Be ba sãa Yetɛɛn bibu, bera Yɛfunɛ ka Pisipa ka sere Ara.

³⁹ Be ba sãa Ulan bibu, bera Ara ka Hanieli ka sere Risia.

⁴⁰ Be ba sãa Aseɛn bibun bweseru, bera mi. Ben baawure u sãawa wirugii win berao. Be kpuro ba sãawa wɔrugɔba. Be ba tireru doke, ben geera sãawa nɔrɔbun suba yenda nɔɔbu ka tia (26.000) be, be ba koo kpī bu tabu ko.

8

Benyamɛn bwese keragii

be ba wãa Yerusalemu

¹ Bibu nɔɔbuwa Benyamɛɛ u mara. Wee nge mɛ ba ka swĩine, Bela ka Asibeli ² ka Ara ka Nɔka ka sere Rafa. ³ Be ba sãa Belan bibu, bera Adari ka Gera ka Abihudu ⁴ ka Abisua ka Naama ka Akoasi ⁵ ka Gera ka Sefufani ka sere Huramu.

⁶ Ehudun bii be ba sãa wirugibu Gebagibun suunu sɔɔ, ma ba ka bu da Manahatio, ⁷ bera Namani ka Akiya ka sere Gera. Gera wi u ka bu da mi, wiya u Usa ka Ahihudu mara.

⁸ Saaraimu u win kurɔbu yiru beni gira. Bera Husimu ka Baara. Yen biruwa u bibu gabu mara Mɔabuban temo. ⁹ Bii be u ka win kurɔ Hodɛsi mara, bera Yobabu ka Sibiya ka Mesa ka Malikamu, ¹⁰ ka Yeusi ka Sokia ka sere Mirima. Be kpuro ba sãawa yenu yɛrobu. ¹¹ Be u ka win kurɔ Husimu mara, bera Abitubu ka Elipali. ¹² Be ba sãa Elipalin bibu, bera Ebɛɛ ka Miseamu ka sere Semɛɛ wi u wuu ge ba mɛ Onɔɔ bana ka sere maa Lodu ka yen baru kpaanu.

¹³ Beria ka Sema be ba sãa wirugibu Ayalonigibun suunu sɔɔ, bera ba Gatigibu gira. ¹⁴⁻¹⁶ Be ba sãa Berian bibu, bera Akiyo ka Sasaki ka

Yeremoti ka Sebadia ka Aradi ka Edεε ka Mikaeli ka Yisifa ka sere Yoasi.

¹⁷⁻¹⁸ Be ba sāa Elipalin bibu, bera Sebadia ka Mesulamu ka Hisiki ka Hebεε ka Yisimerai ka Yisilia ka sere Yobabu.

¹⁹⁻²¹ Be ba sāa Simein bibu, bera Yakimu ka Sikiri ka Sabidi ka Elienai, ka Silitai ka Elieli ka Adaya ka Beraya ka Simurati.

²²⁻²⁵ Be ba sāa Sasakin bibu, bera Yisipani ka Ebεε ka Elieli ka Abudoni ka Sikiri ka Hananu ka Hanania ka Elamu ka Antotia ka Yifideya ka sere Penueli.

²⁶⁻²⁷ Be ba sāa Yerohamun bibu, bera Sanserai ka Seharia ka Atalia ka Yaaresia ka Eliya ka sere Sikiri.

²⁸ Be ba sāa wirugibu nge me ba ka swiine, bera mi. Ba wāawa Yerusalemu.

²⁹ Wi u Gabaoni swi, u wāa Gabaoni mi. Win kurōn yīsira Maaka. ³⁰ Win bii ghiikoowa Abudoni. Be ba maa tie, bera Suri ka Kisi ka Baali ka Nadabu, ³¹ ka Gedori ka Akiyo ka Sekεε, ³² ka sere Mikoloti, Simean tundo. Ben tii ba wāawa Yerusalemu, ben mero bisibun bōku.

Soolun bibun bweseru
(I maa mεerio 9:39-44)

³³ Neriwa u Kisi mara. Ma Kisi u Soolu mara. Ma Soolu u Yonatham mara ka Maakisua ka Abinadabu ka sere Esibaali. ³⁴ Yonathamwa u Meribu Baali mara. Ma Meribu Baali u maa Miseen mara. ³⁵ Be ba sāa Miseen bibu, bera Pitoni ka Meleki ka Tarea ka sere Akasi. ³⁶ Akasiwa u Yehoyada mara. Ma Yehoyada u Alemeti mara ka Asimafeti ka sere Simiri. Simiriwa u Mōsa mara. ³⁷ Ma Mōsa u Binea mara. Ma Binea u Rafa mara. Ma Rafa u Eleasaa mara. Ma Eleasaa u Aseli mara. ³⁸ Bibu nōba tia Aseli u mara. Bera Asirikamu ka Bokuru

ka Isimeeli ka Searia ka Abudiasi ka sere Hananu. Beni kpurowa ba sãa Aselin bibu. ³⁹ Aseli wi, u wãna mɔ wi ba sokumɔ Eseki. Bibu itawa Eseki wi, u mara. Bera Ulamu ka Yeusi ka Elifeleti. ⁴⁰ Ulamun bibu ba kuawa wɔrugɔba ka ten towobu. Ben bibu ka ben debuminu dabi. Ba tura nge tɔmbu wunaa weeru ka wɔkuru (150).

Be kpuro ba sãawa Benyamɛn bibun bweseru.

9

¹ Ba Isireliba kpuron yĩsa yorua ben gari garin tireru sɔɔ nge mɛ ba ka swĩine, bwese kɛra ka bwese kɛra.

Isireli be ba wurama yorun di

N deema ba Yudaba kpuro yoru mwa ba ka da Babiloniɔ kɔsa ye ba kuan sɔ. ² Be ba gbia ba sina ben tem wusu sɔɔ, bera Isireliba ka yãku kowobu ka Lefiba ka sere Netiniba.

³ Be ba na ba sina Yerusalemuɔ, bera Yudan bweseru ka Benyamɛn bweseru ka Efaraimugiru ka Manasegiru.

⁴ Ka sere Utai wi u wãa Yudan bwese kɛra sɔɔ. U sãawa Amihudun bii. Amihudu wi, u sãawa Omirin bii, Imirin debubu, Banin sikadobu, Perɛsin bwese kɛra sɔɔ. ⁵ Silonigibun bwese kɛra sɔɔra Asaya u wãa ka win bibu. Asaya wiya u sãa win bii gbiikoo. ⁶ Serakin bwese kɛra sɔɔra Yeweli ka wigibu ba wãa. Ben geera sãawa nata ka wɛnɛ ka wɔkuru (690).

⁷ Be ba wãa Benyamɛn bwese kɛra sɔɔ, bera Salu, Mɛsulamun bii, Hodafian debubu, Asenuan sikadobu, ⁸ ka Yibineɔ, Yoramun bii, ka Ela, Usin bii, Mikirin debubu ka Mɛsulamu, Sefatian bii, Rewelin debubu, Yibinian sikadobu, ka sere ben

tambu gabu. ⁹Tɔn be kpurowa ba sãa wirugibu ben yenusɔ nge me ba ka swĩine. Ben geera sãawa nene ka wunɔbu ka weeraakuru ka nɔɔba tia (956).

¹⁰ Be ba sãa yãku kowobu, bera Yedaya ka Yoyaribu ka Yakini, ¹¹ ka Asaria. Win sikadobara Hilikiya ka Mɛsulamu ka Sadaku ka Mɛrayɔtu ka sere Akitubu wi u sãa Yinni Gusunɔn sãa yerun wirugii. ¹² Adaya u maa sãa yãku kowo. Win sikadobara Yerohamu ka Pasuri ka Maakiya ka Masai ka Adieli ka Yasisia ka Mɛsulamu ka Mɛsilemiti ka Imeri. ¹³ Be ka begii be ba sãa wirugibu ben yenusɔ, ben geera sãawa tambu nɔɔbu ka nata ka wunɔbu ka wata (1.760). Be kpuro ba sãawa wɔrugɔba. Bera ba ra sɔmburu ko Yinni Gusunɔn sãa yerɔ.

¹⁴ Semaya u sãawa Lefi. Win sikadoba wee, nge me ba ka swĩine. Bera Hasubu ka Asirikamu ka sere Hasabia, Mɛrarin bwese kɛra sɔɔ. ¹⁵ Be ba maa sãa Lefiba, bera Bakibakaa ka Heresi ka Galali ka Matania. Matania win sikadobara Miseen ka Sikiri ka Asafu. ¹⁶ Abudiasin tii u sãa wa Lefi. Win sikadobara Semaya ka Galali ka Yedutum. Berekia, Asan bii, Elikanan debubu wi u wãa Netofagibun temɔ, u maa sãawa Lefi.

¹⁷ Be ba sãa kɔnnɔ kɔsobu, bera Salumu ka Akubu ka Talumɔɔ, ka Ahimani ka begibu. Salumuwa u sãa ben wirugii. ¹⁸ Wiya u ra n wãa sina bokon kɔnnɔwɔ ge ga wãa sɔɔ yari yeru gia sere ka gisɔ. Be ba sãa kɔnnɔ kɔsobu Lefin bweseru sɔɔ, bera mi. ¹⁹ Salumu, Koren bii, Abiasafun debubu, Koren sikadobu ka wigii be ba tie, bera ba ra Yinni Gusunɔn kuu bekurugirun kɔnnɔ kɔsu. Ben sikadobara ba ra raa sɔmbu te ko. ²⁰ Finɛesi, Eleasaan biiwa u sãa ben wirugii. Ma Yinni Gusunɔ

u wāa ka wi. ²¹ Sakari, Meselemian biiwa u ra kuu bekurugii ten kənnə kōsu.

²² Be kpuron geera sāawa mi goobu ka wəkura yiru (212). Bera ba ra kənnəsu kōsu. Ben yīsa ba maa doke tireru səə ka ben wusu. Dafidi ka Gusunən səmə Samuəliwa ba bu səmbu te nəmu səndia. ²³ Be ka ben bibun bwesera ba ra Yinni Gusunən sāa yee ten kənnə si kōsu.

²⁴ Be ba sāa yerun kənnə si kōsu mi, ba ra n wāawa bera ka bera, sōo yari yerə ka sōo duu yerə, ka sōo yēsən nəm geuə ka yen nəm dwarə. ²⁵ Begibu gabu ba ra nε ben mi saa ben wusun di bu ka bu sina mi alusuma tia. ²⁶ Kənnə kōsobun wirugibu nne be, ba sāawa Lefiba. Ba ra n wāawa ben səmburu səə baadomma. Bera ba ra maa sāa yerun dii səsusu ka sāa yee ten arumani kōsu. ²⁷ Ba ra kpunəwa bu ka sāa yee te sikerena. Yam mù n sāra, kpa bu ten kənnəsu wukia.

²⁸ Kənnə kōso ben gaba ba ra yākurun dendi yānu kōsu. Ba ra nu gariwa bà n nu yaramə. Kpa bu maa nu gari bà n nu duusiamə. ²⁹ Ben gaba ba ra maa sāa yerun dendi yāa ni nu tie kōsu ka sere maa som ka tam ka gum ka turare ye ba ra dōo doke ka maa turare nubu durorugia. ³⁰ Yāku kowoba ba ra turare nubu durorugia ye ko.

³¹ Lefi ben turo, Matitia, Salumun bii gbi-ikoo, Koren bweseru səə, wiya u ra kiranu wō. ³² Wigibu gabu Kehatin bweseru səə, bera ba ra tōo wērarugiru baateren pēε ko, ye ba ra Yinni Gusunə yiiye.

³³ Bera ba sāa Lefiban yenu yērobu. Bera ba ra maa wom kowobu kpare. Ba ra n wāawa sāa yerun

dinu ganu sɔɔ. Ba ku ra maa sɔma gaa ko, yèn sɔ ba ra n sɔmburu mɔ sɔɔ sɔɔ ka wɔkuru.

³⁴ Bera ba sãa Lefiban yenu yẽrobu nge mɛ ba ka swĩine. Be, ba wãawa Yerusalemuɔ.

*Sɔɔlun bibun bweseru
(I maa mɛrio 8:29-38)*

³⁵ Yeyeli wi u Gabaoni swĩi, u wãawa Gabaoniɔ. Win kurɔn yĩsira Maaka. ³⁶ Win bii gbiikoowa Abudoni. Be ba maa tie, bera Suri ka Kisi ka Baali ka Neri ka Nadabu, ³⁷ ka Gedori ka Akiyo ka Sakari ka sere Mikoloti. ³⁸ Mikoloti wiya u Simeamu mara. Be kpuro ba wãawa Yerusalemuɔ begibun bɔkuɔ.

³⁹ Neriwa u Kisi mara. Ma Kisi u Sɔɔlu mara. Ma Sɔɔlu u Yonatam mara ka Maakisua ka Abinadabu ka sere Ɛsibaali. ⁴⁰ Yonatamwa u Meribu Baali mara. Ma Meribu Baali u maa Miseen mara. ⁴¹ Miseen hiba Pitoni ka Melɛki ka sere Tarea. ⁴² Akasiwa u Yara mara. Ma Yara u Alemɛti mara ka Asimafeti ka sere Simiri. Simiriwa u Mɔsa mara. Ma Mɔsa u maa Binɛa mara. ⁴³ Binɛawa u Refaya mara. Ma Refaya u Eleasaa mara. Ma Eleasaa u Aseli mara. ⁴⁴ Bibu nɔɔba tia Aseli u mara. Ben yĩsa wee, Asirikamu ka Bokuru ka Isimɛli ka Searia ka Abudiasi ka sere Hananu. Be ba sãa Aselin bibu, bera mi.

DAFIDI, ISIRELIBAN SINA BOKON GARI

*Sɔɔlu ka win bibun gɔɔ
(I maa mɛrio Samuɛli I, 31:1-13)*

10

¹ Filisitiba ba Isireliba tabu wɔri. Ma Isireliban tabu kowobu ba duki sua. Filisiti be, ba bu naa gira ba go go Giliboan guurɔ. ² Ba maa Sɔɔlun tii ka win bibu ita Yonatam ka Abinadabu ka Maakisua

naamwε. Ma ba bii be go. ³ Sannə ge, ga Səəlu swĩε. Tεn towobu ba nùn sēenu twee ba mεera kua gem gem. ⁴ Yera u win tabu yāa səəwo səəwa u nεε, u win takobi womə u nùn ye səku kpa bango sarirugii be, bu ku raa nùn səku bu yaa kasiki.

Adama durə wi, u yina u ko mε, domi berum nùn mwa gem gem. Ma Səəlu u takobi ye mwa u ka tii səka u kibarisi u taare. ⁵ Ye win tabu yāa səəwo wi, u wa ma u gu, yera u maa win takobi sua u tii səka nge mε Səəlu u kua. Ma ba gu yam tem mi.

⁶ Nge mεya Səəlu u ka gu ka win bibu ita be, ka win tabu yāa səəwo ka sere maa win tabu kowobu kpuro sannu. ⁷ Ye Isireli be ba wāa Yisireelin wəwəə ba nua ma ben tabu kowoba duki sua, Səəlu ka win bii tən durəbu ba maa gu, yera ba ben wusu deri ba duki sua. Ma Filisitiba ba na ba sina wuu si səə.

⁸ Ye n kua sisiru Filisitiba ba na ba goo nin yānu potirimə. Yera ba Səəlu ka win bibu itan gonu wa Giliboan guurə. ⁹ Ma ba Səəlun wiru bura ba win tabu yānu kpuro potira. Yera ba səməbu gəra bu yen labaari kpara ben būu diaə ka ben təmbun mi, ben tem səə kpuro. ¹⁰ Yera ba win tabu yānu sua ba doke ben būu dirə. Ma ba win wiru sua ba bwē ben būu wi ba mē Dagonin dirə.

¹¹ Sanam mε Yabesi ye ya wāa Galadin temə, yen təmbu ba nua ye Filisitiba ba Səəlu kua, ¹² yera be ba sāa tabu durə wərugəba ba seewa ba Səəlu ka win bibun goo ni sua ba ka da Yabesiə. Ma ba ben kukunu sikua dāru garun nuurə Yabesi mi. Ma ba nəə bəkua səə nəəba yiru.

¹³ Səəlu u guwa yèn sō u Yinni Gusunə tənu kam kom kua, u n win woodaba mεm nəəwε. U bikiaru

dawa be ba ra gəribu sokun mi. ¹⁴U n̄ Yinni Gusunə bikie. Ma Yinni Gusunə u dera u gu. Ma u win bandu sua u Isain bii, Dafidi wē.

*Dafidi u kua Isireliban sunə
(I maa m̄erio Samuēli II, 5:1-3)*

11

¹ Isireliba kpuro ba m̄enna ba na Dafidin mi Heboroniə. Ma ba n̄n s̄əwa ba n̄e, be se ka wun̄e, sa s̄əwa yem tem. ² Ba a yellun di, saa ye Səlu u s̄ə be sen sunə, wuna a ra sun m̄enne a sun kpara a ka tabu da, kpara a ka maa sun wurama. Gusunə wun̄en Yinni u maa nun s̄əwa u n̄e, wuna kaa ko be sen wirugii kpara a be se win t̄ambu kpara.

³ Yera Isireliban guro gurobu kpuro ba na Dafidi sina bokon mi Heboroniə. Ma u ka bu arukawani b̄kua Yinni Gusunən wuswaaə Heboroni mi. Yera ba n̄n gum tāre wirə, ba n̄n kua be, Isireliban sunə nge m̄e Yinni Gusunə u gerua saa Samuelin n̄ən di.

Dafidi u Yerusalemu wəri

*u mwa
(I maa m̄erio Samuēli II, 5:6-10)*

⁴ S̄ə teeru, Dafidi ka Isireliba kpuro ba Yerusalemu wəri. Yerusalemu yera ba maa sokumə Yebusi. Miya Yebusiba ba w̄a. ⁵ Yera ba Dafidi s̄əwa ba be, n̄ n̄ koorə u duuma wuu ge s̄ə.

Adama Dafidi u bu wəri u ben wuu gb̄araruguu ge mwa. N deema gera ba maa sokumə Siōni. Yen biru ba gu soka Dafidin wuu. ⁶ N deema Dafidi u raa win tabu kowobu s̄əwa u n̄e, wi u gbia u Yebusiba wəri u kamia, yērowa u koo ko tabu

kowobun wirugii. Ma Yoabu, Seruyan bii u gbia u bu wəri u kamia. Ma u kua wirugii.

⁷ Dafidi u da u sina wuu gbāraruguu gen mi. Yen sōna ba gu soka Dafidin wuu. ⁸ Ma u bani kua u ka gu sikerena. U banawa saa Milon di u ka sikerena. Ma Yoabu u maa gen mi n tie sōnwa.

⁹ Ma Dafidin dam mu sosimō. Domi Gusunō wōllu ka tem Yinni u wāa ka wi.

Dafidin tabu kowobu

(I maa mērio Samueli II, 23:8-39)

¹⁰ Wee be ba sāa Dafidin tabu kowobun wirugibu. Be ka Isireliba kpurowa ba nūn kua sina boko nge mē Yinni Gusunō u gerua win tōmbun sō. Ba nūn mēm nōwawa mam mam win bandun waati ye kpuro sō.

¹¹ Yasobeamu, Hakumōnin bii u sāa tabu kowobun wirugii ben turo. Wiya u tōmbu gooba wunōbu (300) go ka yaasa nōn teerun tabu sō.

¹² Yen biru Eleasaa, Dodon bii, Akosigii, u sāawa tabu kowobu ita yen turo. ¹³ U wāa ka Dafidi Pasi Damimuō, sanam mē Filisitiba ba mēna bu ka bu tabu wəri. Ma Isireliba ba duki Filisitiban wuswaan di. N deema gberu gara wāa mi, tē sō ba ɔsu duura. ¹⁴ Yera Eleasaa ka win tōmbu ba yōra gbee ten suunu sō ba ka tu yina. Ma ba ka Filisitiba tabu kua ba bu go. Yinni Gusunō u bu nasara baka wē dāma te.

¹⁵ Sō teeru Dafidin tabu sinambu tēna ye sō, ben ita ba da ba nūn deema Adulamun kpee wōruō, sanam mē Filisitiban tabu kowobun wuuru garu ta na ta ten sansani gira Refaban wōwao. ¹⁶ Saa ye sō, Dafidi u wāa kpee wōru ge sō, ma Filisitiban sansani ya maa gire Betelehemuō. ¹⁷ Ma Dafidi u

Betelehemun beke kua u nee, wara u koo ka man Betelehemun gbāra kənnən dəkən nim naawa n nō.

¹⁸ Yera win tabu durəbu ita be, ba da ba Filisitiban sansani ye wəri ka dam ba Dafidi nim me takama ba ka na. Adama u n mu nōra. U ka mu yākuru kuawa, u Yinni Gusunō yaria. ¹⁹ U nee, Gusunō u man gbara bu nee, nena na nim me nōra. Domi men sōna tən beni ba ben wāaru kari bərie. Nim me, mu sāawa nge ben yem me mu koo raa yari.

Yen sōna u yina u mu nō.

Yeniba kpurowa Dafidin tabu kowobu ita be, ba kua.

²⁰ Abisai, Yoabun wənōwa u sāa tabu sinambu tēna yen wirugii. Təmbu gooba wunəbuwa (300) u go ka win yaasa. Ma u yīsiru yara wigibun suunu sō. ²¹ Ba nūn beere wē too. Adama u n tabu durəbu ita be tura.

²² Benaya, Kabiseligii, Yehoyadan bii, u sāawa tabu durə wərugə. Ma u yīsiru yara nasara dabi te u wan sō. Wiya u Məabuban təmbu yiru gabu go, be ba sē nge gbee sinansu. Wiya u maa dua dəkə kpiriru sō u gbee sunō kāasi mi, u go puran saa sō. ²³ Ma u Egibitin tabu durə damgii goo go. Win gunum mu sāawa gəm soonu nōbu. Ma u yaasa neni. Yen buru ta sāawa nge weson deka ye u ra beku yasa tēke. Saa yè sō u nūn wərim dō, bokura u neni. Ye u tura mi, ma u durə win yaasa ye u neni mi wəra u ka nūn saka u go. ²⁴ Yeniba kpurowa Benaya Yehoyadan bii u kua. Ma u yīsiru yara tabu kowobu tēna ye sō. ²⁵ U beere baka wa Dafidin tabu durəbu tēna ye sō. Adama ya n tabu durə gbiikobu ita begia tura. Ma Dafidi u nūn kua win tiin kōsobun wirugii.

²⁶ Dafidin tabu kowo ben gabun yīsa wee, Asaeli, Yoabun wənə, ka Elikanani, Dodon bii, Betelehemugii, ²⁷ ka Samoti, Harorigii, ka Helesi, Palonigii, ²⁸ ka Ira, Ikesin bii, Tekoagii, ka Abiesee, Anatotugii, ²⁹ ka Sibekai, Husagii, ka Ilai, Akoasigii, ³⁰ ka Maharai, Netofagii, ka Heledi, Baanan bii, wi u maa sāa Netofagii, ³¹ ka Itai, Ribain bii, Gibeagii, ye ya wāa Benyamēn temə, ka Benaya, Piratonigii, ³² ka Hurai, Nasale Gaasigii, ka Abieli, Arabagii, ³³ ka Asimafeti, Basarumugii, ka Eliaba, Saabonigii, ³⁴ ka Bene Hasemu, Gisonigii, ka Yonatam, Sagen bii, Hararigii, ³⁵ ka Akiamu, Sakaan bii, Hararigii, ka Elifali, Urun bii, ³⁶ ka Hefee, Mekeragii, ka Akiya, Palonigii, ³⁷ ka Hesiro, Kaameligii, ka Naarai, Esibain bii, ³⁸ ka Yoeli, Natanin məə, ka Mibisaa, Hagirin bii, ³⁹ ka Seleki, Aməonigii, ka Nakarai, Berotugii wi u ra Yoabu, Seruyan biin tabu yānu sobe, ⁴⁰ ka Ira, ka Garebu be ba sāa Yeteeba, ⁴¹ ka Uri, Heti, ka Sabadi, Alaigii, ⁴² ka Adina, Sisan bii, Rubenin bwese keran wirugii turo, wi u tabu kowobu tena mə, ⁴³ ka Hanani, Maakan bii, ka Yosafati, Mitinigii, ⁴⁴ ka Osiasi, Asitarotugii, ka Sama, ka Yeyeli be ba sāa Hotamun bibu, Aroegibu, ⁴⁵ ka Yedieli, Simurin bii, ka win wənə Yoka, Tisigii, ⁴⁶ ka Elieli, Makafimugii, ka Yeribai, ka Yosafia, Elinamun bibu, ka Yitima, Məabu, ⁴⁷ ka Elieli, ka Obedi, ka Yasieli, Sobagii.

12

Tabu kowo be ba ka Dafidi

nəə tia kua Səəlun waati

¹ Sanam me Dafidi u kpikiru sua u da Sikilagio u ka Soolu Kisin bii tonda, yera gaba seewa ba da win mi. Ba saawa tabu durɔ wɔrugɔba be ba sooru saa bu ka nɔn tabu somi. ² Ma ba tɛnnu ka kpurantɛnu nɛni. Ba maa ye kpuron tobu yɛwa nɔm geu ka nɔm dwaru.

Be ba saa Benyamɛba, Soolun bwese kera soo, ³ bera tabu sunɔ Akiesɛ ka Yoasi be ba saa Sema, Gibeagiin bibu, ka Yesieli, ka Peleti be ba saa Asimafɛtin bibu, ka Beraka ka Yehu be ba saa Anatɔtugibu, ⁴ ka Yisimaya, Gabaonigii, wi u saa tabu sinambu tɛna yen wirugii turo, ⁵ ka Yeremi ka Yasieli, ka Yokanani ka Yosabadi, Gederagii, ⁶ ka Elusai ka Yerimoti ka Bealia ka Semaria ka Sefatia, Harɔfugii, ⁷ ka Elikana ka Yisiya ka Asareli, ka Yoeseɛ ka Yasobeamu, be ba saa Koren bwese keragibu, ⁸ ka Yoela ka Sebadia be ba saa Yerohamun bibu, Gedorigibu.

⁹ Gadiba soo, tabu durɔ wɔrugɔba ba na Dafidin mi kpee wɔru gen mi, gburɔ. Ba saawa be ba tabu tobu yɛ. Ma ba tɛɛnu ka yaasi nɛni. Ba dam mɔwa nge gbee sinansu. Ma ba saɔu nge nɛm ni nu waa guunu wallo. ¹⁰⁻¹⁴ Ba saawa tonu wakura tia. Bera tabu sunɔ Esee ka Abudiasi ka Eliabu ka Misimana ka Yeremi ka Atai ka Elieli ka Yokanani ka Elisabadi ka Yeremi ka Makibantai. ¹⁵ Be ba saa Gadigibu ba ka saa tabu sinambu, bera mi. Wi u piiburu bo be soo, wiya u koo tambu wunɔbu (100) tabu wari. Wi u maa bo, kpa u tambu nɔrɔbu (1.000) tabu wari. ¹⁶ Bera ba Yuudeni tɔbura wɔɔn suru gbiikoo soo, sanam me ya nim yiba sere bɔɔwɔ. Bera ba maa tɔn be ba waa wɔwi soo gira yen sɔɔ yari yeru gia ka yen sɔɔ duu yeru gia.

17 Benyamεεba ka Yudaba ben tii ba maa na Dafidin mi kpee wǎru mi. 18 Dafidi u bu sennǎ da, ma u bu sǎwa u nεε, ì n ween na nen mi ka bwisiku geenu, i ka man somi, kon ka bεε nǎo tia ko. Adama ì n ween na i ka man samba ko, kpa nen yiberεba bu ka man go sanam mε na ñ taare gaa kue, Gusunǎ besen baababan Yinni u ye waawo, kpa u sun siria.

19 Yera Yinni Gusunǎn Hunde u dua Amasai, tabu sinambu tεna yen turo sǎo, ma u gerua u nεε, wuna sa ka yǎra, wunε Dafidi, Isain bii.

Wunε ka be ba nun somimǎn bwεra yu kpunǎ.

Domi Gusunǎ wunen Yinni u nun faaba kua.

Ma Dafidi u bu mwa ka nuku dobu. Ma u dera ba dua win tabu sinambun wuuru sǎo.

20 Manasen bwese keran tǎmbu ba Dafidi swīi sanam mε wi ka Filisitiba ba dǎo bu ka Sǎolu tabu ko. Adama ba ñ Filisiti be somi. Domi ye Filisiti ben wirugibu ba wesiana, ba Dafidi girawa ba nεε, u ko n wǎawa Sǎolu win yinnin biruǎ kpa u ra bu wiru bǎari. 21 Manasen bwese keragii be ba Dafidi swīima sanam mε u gǎsirama Sikilagiǎ, bera Adina ka Yosabadi ka Yedieli ka Mikaeli ka Yosabadi goo ka Elihu ka Silitai. Be kpuro ba sǎawa Manasen bwese keran tabu kowo wuunun wirugibu. 22 Bera ba Dafidi somi domi be kpuro ba sǎawa tabu durǎ wǎrugǎba ka maa tabu sinambu. 23 Tǎo baatere, tǎmbu ba ra n naamǎwa Dafidin mi bu ka nǎn somi sere win tabu kowobu ba dabia ba dam kua nge Gusunǎn tabu kowobu.

Tabu sinam be ba Dafidi kua

Isireliba kpuron sunǎ

²⁴ Tabu kowo be ba na Dafidin mi Heboroni^o bu ka n^un S^oalun bandu wesia nge me Yinni Gusun^o u gerua, ben geeru wee.

²⁵ Yudan bwese kera s^oo, tabu kowo be ba t^erenu ka yaasi n^eni, ba s^aawa t^onu n^or^obun suba n^oo^oba tia ka n^ene (6.800). ²⁶ Sim^eon bwese kera s^oo, be ba s^aa tabu dur^o w^orug^oba ben geera s^aawa n^or^obun suba n^oo^oba yiru ka wun^obu (7.100). ²⁷ Lefiban bwese kera s^oo, t^ombu n^or^obun suba n^e ka nata (4.600) ba w^aa, ²⁸ ka Yehoyada, Aronin y^enun wirugii ka win t^ombu n^or^obun suba ita ka nata ka wun^obu (3.700), ²⁹ ka Sad^oku, aluwaasi kp^embu wi u s^aa tabu dur^o w^orug^o ka wirugibu yenda yiru be ba s^aa win t^undon y^enugibu. ³⁰ Benyame^en bwese kera s^oo, be ba s^aa S^oalun m^ero bisibu, ba s^aawa t^ombu n^or^obun suba ita (3.000) domi ben dabira ba ka S^oalu y^ora n ka saa ye girari. ³¹ Efaraimun bwese kera s^oo ba s^aawa n^or^obun suba y^endu ka n^ene (20.800). Ba bu gara y^enu ka y^enu. Ba s^aawa tabu dur^o w^orug^oba be ba yⁱsiru yara. ³² Manasen bwese keran sukungibu ba s^aawa n^or^obun suba w^okura n^oo^obu ka ita (18.000). Bera ba soka ka ben yⁱsa bu ka da bu Dafidi ko sun^o. ³³ Isakarin bwese kera s^oo, ba s^aawa tabu sinambu go^obu (200) ka sere maa ben t^on be ba kp^are. Isakarin bwese keragii be, ba ben waatin asansi y^e bu ka tubu ye Isireliba ba koo ko. ³⁴ Sabulonin bwese kera s^oo, ba s^aawa t^ombu n^or^obun suba weeraakuru (50.000) be ba tabu y^e, ba maa tabu y^aa bwese bweseka n^eni, ba s^ooru kpeere bu ka tabu ko ka g^oru tia. ³⁵ Nefitalin bwese kera s^oo, ba s^aawa tabu sinambu n^or^obu (1.000) ka sere maa tabu kowobu n^or^obun suba t^ena ka n^oo^oba yiru (37.000) be ba t^erenu ka yaasi n^eni. ³⁶ Danun bwese kera s^oo, be ba tabun s^ooru

kpeere, ba sãawa tãmbu nãrãbun suba yenda nãobu ka ita ka tãnu nata (28.600). ³⁷ Aseɛn bwese kera sã, be ba tabu yẽ ma ba sãru sãa bu ka tabu ko, ba sãawa tãmbu nãrãbun suba weeru (40.000). ³⁸ Be ba wãa Yuudenin são yari yeru gia, Rubeniba ka Gadigibu ka Manasen bwese kera sukungibu ba sãawa tãmbu nãrãbun suba wunaa teeru (120.000). Ba maa tabu yãa bwese bweseka mã.

³⁹ Tãn be ba tabun sãru sãa mi, be kpurowa ba na Heboroniã ka gõru tia, kpa bu ka Dafidi ko Isireliba kpuron sunã. Ma Isireli be ba tie ba ka bu não tia kua. ⁴⁰ Ma ba kua são ita Dafidin mi, ba dimã ba nãrumã. Domi begibu ba dñanun sãru kua ben sã. ⁴¹ Yen biru be ba wãa ben bõkuã n ka girari Isakariba, ka Sabuloniba ka sere Nefitaliba, ba ra ben ketekunu ka ben yooyoosu ka ben birakõsu ka sere maa ben keteba dñanu sãbimewa bu ka na, ka maa som ka figi gbebi, ka resẽm gbebi, ka tam ka gum, ka keteba ka yãanu dabi dabinu, domi be kpuro ba wãa nuku dobu são.

Dafidi u Yinni Gusunãn

woodan kpakororu yi

Obedi Edãmun yenuã

(I maa mærio Samueli II, 6:1-11)

13

¹ São teeru Dafidi u tabu kowobu nãrãm nãrãm ka wunãm wunãm wirugibu menna ka sere maa wirugii be ba tie. ² Ma u be kpuro sãowa u nẽẽ, yeni yã n ween na Gusunã besen Yinnin min di, ma ya bẽẽ wẽre, i de su sãmãbu gãri besegibun mi Isirelin tem kpuro são, yãku kowobu ka Lefiban mi be ba

wãa wuu marosɔ ka kpara yenɔ kpa bu mennama. ³ Kpa su ka Gusunɔ bɛsɛn Yinnin woodan kpakoro te wurama. Domi sa ñ ten gari kue Sɔɔlun waati sɔɔ.

⁴ Ma tɔn be kpuro ba wura bu ko mɛ. Domi gari yi, yi ka bu naawa. ⁵ Ma Dafidi u Isireliba kpuro menna saa Sikorin di ye ya wãa Egibitiɔ sere ka Hamatin duu yerɔ kpa bu da bu Yinni Gusunɔn woodan kpakoro te suama Kiriati Yarimun di. ⁶ Yera Dafidi u seewa ka Isireli be kpuro ba da Baalɔ ye ba maa mɔ Kiriati Yarimu, Yudan temɔ, bu ka Yinni Gusunɔn woodan kpakoro te tama, tɛn wuswaaɔ ba ra Yinni Gusunɔn yĩsiru soku, wi u ra n sɔ ten wɔllɔ wɔllun kɔsobun suunu sɔɔ. ⁷ Ma ba tu sua ba doke naa kɛkɛ kpaa gaa sɔɔ ba ka doona Aminadabun yɛnun di. Usa ka Akiyowa ba naa kɛkɛ ye kpare. ⁸ Ma Dafidi ka Isireliba kpuro ba bu swĩi ba mɔrɔkunu soomɔ ka gɔɔgenu, ka bara kpãnu, ka seketirɛnu, ka yankokonu. Ma ba womusu mɔ ba yaamɔ ka ben dam kpuro ba ka Gusunɔ sãamɔ. ⁹ Saa yɛ sɔɔ ba tura Kidonin doo soo yerɔ, yera kpakoro te, ta wɔrumaa dɔɔ, ma Usa u nɔma demia u tu gaba. ¹⁰ Mii mii, Yinni Gusunɔ u ka nùn mɔru kua. Ma u dera u wɔruma kpakoro ten bɔkuɔ u gu, yɛn sɔ u tu baba.

¹¹ Dafidi u mɔru kua too yɛn sɔ Yinni Gusunɔ u ka Usa sɛɛyasia mɛ. Ma u yam mi yĩsiru kã Peresi Usa. Yen tubusiana Usan goo yeru. Yĩsi tera ba ka mu sokumɔ sere ka gisɔn gisɔ. ¹² Ma Dafidi u Yinni Gusunɔ nasia dɔma te. Yera n dera u ka nɛɛ, amɔna u koo ko u ka Yinni Gusunɔn woodan kpakoro te turi win yɛnuɔ.

¹³ U ñ dere bu gina ka tu da win yɛnuɔ Yerusalemuɔ. U dera ba ka tu dawa Obedi Edɔmu

Gatigiin yenuə. ¹⁴ Ma ta kua mi suru ita. Ma Yinni Gusunə u durə wi ka win yenugibu ka maa ye u mə kpuro domaru kua.

Dafidi u wāa Yerusalemuə
(*I maa mεerio 3:5-9; Samuēli II, 5:11-16*)

14

¹ Sōə teeru, Hiram, Tirin sunə u Dafidi səməbu gōria ka dāa gea ye ba sokumə sɛduru ka dāa dākobu ka be ba ra kpenu dāku, kpa bu nūn sina kpaaru bania. ² Dafidi u tuba ma Gusunəwa u win bandun dam siremə. Wiya u maa ban te wəlle suamə win təmbu Isireliban sō.

³ Yen biru Dafidi u maa kurəbu gabu sua Yerusalemuə. Ma ba nūn bii tən durəbu ka tən kurəbu marua. ⁴ Bera Samua ka Sobabu ka Natani ka Saloməə ⁵ ka Yibaa ka Elisua ka Elifeleti ⁶ ka Nəga ka Nefegi ka Yafia ⁷ ka Elisama ka Beliada ka sere Elifeleti goo.

Dafidi u Filisitiba kamia
(*I maa mεerio Samuēli II, 5:17-25*)

⁸ Ye Filisitiba ba nua ba Dafidi gum tāre wirə u kua Isireliba kpuron sunə, yera be kpuro ba seewa ba nūn wərim wee. Ye u nua mε, yera u sara u da u ka bu yinna. ⁹ Saa ye sōəra Filisiti be, ba tunuma ba tēria Refan wəwəə. ¹⁰ Ma Dafidi u Yinni Gusunə bikia u nεε, n doo n Filisiti be wəri? Kaa man bu nōmu beria?

Ma Yinni Gusunə u nūn wisa u nεε, a doo, kon nun bu nōmu beria.

¹¹ Ma ba seewa ba da Baali Perasimuə. Miya Dafidi u Filisiti be go go. Ma u gerua u nεε, Yinni

Gusunɔ u nen yiberɛban wuuru gĩa nge me nim tora ya ra guna gĩɛ.

Yen sɔna ba yam mi yĩsiru kã Baali Perasimu. ¹² Yera Filisiti be, ba duki sua ba ben bwāarokunu deri mi. Ma Dafidi u win tɔmbu sɔɔwa bu nu guro bu dɔɔ mɛni.

¹³ Amen biru, Filisiti be, ba kpam na ba teria Refan wɔwa mi. ¹⁴ Ma Dafidi u Yinni Gusunɔ bikia u nɛɛ, n maa doo n bu wɔri? Ma Yinni Gusunɔ u nùn wisa u nɛɛ, oo. Adama a ku da sɔru sɔrum mɛ. A besiro kpa a da a n wāa dāa ye ba mɔ miren sɔɔwɔ. ¹⁵ Sanam mɛ a naa damu damusu gasu nɔmɔ dāa wɔllɔ, a yarima. Domi nɛ, Yinni Gusunɔwa na nun gbiye n ka ben sansani ye wɔri.

¹⁶ Ma Dafidi u kua nge me Yinni Gusunɔ u nùn sɔɔwa. U da u Filisiti be go go saa Gabaonin di n ka da Gesɛɛɔ. ¹⁷ Ma Dafidi u yĩsiru yara tem baama kpuro sɔɔ. Ma Yinni Gusunɔ u nùn dam wɛ bwesenu kpuro sɔɔ.

15

Dafidi u Yinni Gusunɔn

woodan kpakororu wāa yeru

sɔru kua

¹ Yeniban biru, Dafidi u tii dia bania Yerusalemuɔ. U maa Yinni Gusunɔn woodan kpakororu wāa yeru kua mi. ² Ma u nɛɛ, Lefiba tɔnawa n weenɛ bu tu sɔbe. Domi bera Yinni Gusunɔ u gɔsa bu ka tu sɔbe, kpa bu maa ten sɔmburu ko saa kpuro sɔɔ.

³ Ma Dafidi u Isireliba kpuro mɛnna Yerusalemuɔ bu ka Yinni Gusunɔn woodan kpakoro te da ten ayerɔ mi u sɔru kua ten sɔ. ⁴ U maa yāku

kowobu Aronin bweserugibu ka Lefiba menna. ⁵ Kehatin bweseru sɔɔ, Urieliwa u sãa wirugii ka wigibu tɔnu wunaa teeru (120). ⁶ Merarin bwese kera sɔɔ, Asayawa u sãa wirugii, ka wigibu tɔmbu goobu ka yendu (220). ⁷ Geesɔnin bwese kera sɔɔ, Yoeliwa u sãa wirugii ka wigibu tɔmbu wunaa teeru ka wɔkuru (130). ⁸ Elisafanin bwese kera sɔɔ, Semayawa u sãa wirugii ka wigibu tɔnu goobu (200). ⁹ Heboronin bwese kera sɔɔ, Elieliwa u sãa wirugii ka wigibu tɔnu wɛnɛ (80). ¹⁰ Usielin bwese kera sɔɔ, Aminadabuwa u sãa wirugii ka wigibu tɔnu wunɔbu ka wɔkura yiru (112). ¹¹ Ma Dafidi u yãku kowobu Sadaku ka Abiataa soka, ka sere maa Lefi beni, Urieli ka Asaya ka Yoeli ka Semaya ka Elieli ka sere Aminadabu. ¹² Ma u bu sɔɔwa u nɛɛ, bɛɛya i sãa wirugibu Isireliban bwese keri sɔɔ. Yen sɔ, i tii dɛɛrasio bɛɛ ka bɛɛn yenugibu, kpa i da i ka Gusunɔ bɛɛ Isireliban Yinnin woodan kpakororu suama i ka na yam mi na tu wãa yeru kua sɔɔ. ¹³ Yellu, Gusunɔ bɛɛn Yinni u sun sɛɛyasia ka gɔɔ yɛn sɔ i n̄ daa wãa mi, ma sa n̄ win wooda mɛm nɔɔwɛ.

¹⁴ Yera yãku kowo be, ka Lefi be, ba tii dɛɛrasia bu wa bu ka Gusunɔ be Isireliban Yinnin woodan kpakoro te suama. ¹⁵ Ma Lefi be, ba kpakoro te sua ba seru sɔndi ka ten dãa pɔɔsi yi ba ra ka tu sue nge mɛ Yinni Gusunɔ u raa yiire bu ko saa Mɔwisin nɔɔn di. ¹⁶ Ma Dafidi u maa Lefiban wirugii be sɔɔwa u nɛɛ, bu begibu sɔɔru koosio be ba koo womusu ko ba n̄ guunu ka mɔrɔkunu ka sɛketirɛnu soomɔ ka dam bu ka nuku dobu sɔɔsi. ¹⁷ Be Lefiba ba sɔɔru koosia, bera Hemani, Yoelin bii ka win sɔm kowosii beni, Asafu, Berekian bii ka sere maa Etani, Kusayan bii, Merarin bwese

keragii. ¹⁸ Be ba maa swīi, bera Sakari ka Beni ka Yaasieli ka Semiramotu ka Yehieli ka Uni ka Eliabu ka Benaya ka Maaseya ka Matitia ka Elifele ka Mikineya ka Obedi Edamu ka sere Yeyeli. N deema beni kpuro ba sāawa kōnnō kōsobu. ¹⁹ Wom kowo be ba seketirenu soomō ni ba kua ka sii gandu, bera Hemani ka Asafu ka sere Etani. ²⁰ Be ba maa guunu soomō ni nu gōru yāka mō, bera Sakari ka Asieli ka Semiramotu ka Yehieli ka Uni ka Eliabu ka Maaseya ka sere maa Benaya. ²¹ Matitia ka Elifele ka Mikineya ka Obedi Edamu ka Yeyeli ka sere Asasia, bera ba mārōku serum nōba itaginu soomō ba ka womusu swīi. ²² Lefi be sō, Kenaniawa u sāa wom kowo ben wirugii. Wiya u bu womusu koosiamō domi u yēru mō. ²³ Be ba ra Yinni Gusunōn woodan kpakoro te sōbe, bera Berekia ka Elikana ²⁴ ka Obedi Edamu ka Yehia. Yāku kowo be ba ra kōbi so Yinni Gusunōn woodan kpakoro ten wuswaa, bera Sebania ka Yosafati ka Netanēeli ka Amasai ka Sakari ka Benaya ka sere Eliesee.

Yinni Gusunōn

woodan kpakororu

ta tura Yerusalemō

(I maa mērio Samuēli II, 6:12-19)

²⁵ Dafidi ka Isireliban guro gurobu ka tabu kowobu nōrōm nōrōm wirugibu ba swaa wōri ba ka Yinni Gusunōn woodan kpakoro te wee Obedi Edamun yenun di ka nuku dobu. ²⁶ Yinni Gusunō u wāa ka Lefi be ba win woodan kpakoro te sōwa. Ma ba kete nōba yiru ka yāa kinenu nōba yiru go ba ka yākuru kua. ²⁷ Dafidi ka Lefi be ba woodan kpakoro te sōwa ka wom kowobu, ka sere Kenania wi u wom kowo be kpare, be kpuro ba yabenu

sebua ni ba kua ka wēε damgii. Yen biru, Dafidi u maa yāku kowon yabe tarakpe doke. ²⁸ Isireliba kpuro ba ka Yinni Gusunən woodan kpakoro te na Yerusalemuə. Ba kuuki m̀ nuku dobun s̄, ma ba k̄bi ka seketir̄enu ka guunu ka m̄r̄akunu soom̄.

²⁹ Ye ba ka Yinni Gusunən woodan kpakoro te duə Dafidin wuuə, yera Mikali S̄əlun bii t̄n kur̄ə u m̄εrima saa f̄en̄tin di. Ye u wa sina boko Dafidi u ȳə̄kum̄ə u yaam̄, yera u n̄n̄ ḡema.

16

¹ Ye ba ka kpakoro te tunuma, yera ba tu doke ten ayer̄ə kuu bekurugiru s̄ə te Dafidi u kua ten s̄. Yen biruwa u Yinni Gusunə yāku d̄ə m̄waararuginu ka siarabun yākunu kua. ² Ye Dafidi u yāku ni kua u kpa, yera u win t̄mbu Isireliba domaru kua ka Yinni Gusunən ȳisuru. ³ Ma u be kpuro d̄ianu b̄nu kua, t̄n kur̄əbu ka t̄n dur̄əbu. U baawure p̄ε ka yaa w̄ə̄ra w̄ε ka sere maa kira te ba kua ka res̄em̄ gbeba.

Lefiba ba Yinni Gusunə

siam̄ə ka womusu

(I maa m̄εrio Womu 105:1-15; 96; 106:1,47-48)

⁴ Ma Dafidi u Lefi ben gabu s̄oma w̄ε woodan kpakoro ten s̄, kpa bu ka Gusunə be Isireliban Yinni s̄. Kpa bu n̄n̄ siara, kpa bu n̄n̄ beere w̄ε.

⁵ Asafuwa u s̄ā ben wirugii. Ma Sakari u s̄ā win yiruse. Ma Yeyeli ka Semiram̄tu ka Yehieli ka Matitia ka Eliabu ka Benaya ka Ob̄edi Ed̄əmu ka sere Yeyeli ba guunu ka m̄r̄akunu soom̄. Ma Asafu u maa seketir̄enu soom̄. ⁶ Ma yāku kowo beni, Benaya ka Yasieli ba k̄bi soom̄ t̄ā t̄ā Yinni

Gusunən woodan kpakoro ten wuswaaə. ⁷ Tǝə tera Dafidi u dera Asafu ka wigibu ba Yinni Gusunə tāmam torua. Ba nεε,

⁸ i Yinni Gusunə siaro, kpa i nùn sǎ, kpa i bwesenu nəəsia səm baka ni u kua.

⁹ I nùn təmə.

I nùn siaro ka womusu, kpa i win səm maamaakiginun gari kpara.

¹⁰ I yǝerio win yǝsi dεεrarun sǎ,

kpa i nuku dobu ko bεε bèn gǝru ga nùn kasu.

¹¹ I gəsiro Yinni Gusunə Dam kpurogiin mi, kpa i nùn kasu baadomma.

¹²⁻¹³ Bεε Isireliba, Yakəbu Gusunən səm kowon bweseru,

bεε be u gəsa, i yaayo səm maamaakigii ni u kua ka gari yi u bεε sǝəwa.

¹⁴ Gusunəwa u sǎa bεsən Yinni. Wiya u koo handunia kpuro siri.

¹⁵⁻¹⁶ I arukawani ye yaayo baadomma ye u ka Aburahamu bəkua

ka maa nəə mwεε te u Isaki kua.

¹⁷ U ka ye Isireliba, Yakəbun bweseru bəkuaawa ya n sǎa wooda sere ka baadommaə.

¹⁸ U nεε, u koo bu Kananin tem wǝ bu tubi di.

¹⁹ N deema sanam mε,

Isireliba ba n dabi, ma ba sǎa səbu tem mε səə.

²⁰ Ba ra n daaməwa bwese tukunun mi ka wuu tukusə.

²¹ Adama u n dεre goo u bu dam dεre.

U maa sinambu sεeyasia ben sǎ.

22 U nεε, i ku nεn tɔn be na gɔsa baba.

I ku maa nεn sɔmɔbu kɔsa kua.

23 Yen sɔ, bεε handuniagibu,

i Yinni Gusunɔ tɔmɔ.

I win faaban gari kparo tɔɔ baatere.

24 I win yiikon girima ka win sɔm maamaakiginu
kparo

bwesenu suunu sɔɔ.

25 Domi Yinni Gusunɔ u kpã.

Wiya n weene bu siara.

U bũnu kpuro nanum kere.

26 Bwese tukunun bũnu nu sãawa kam dirum.

Adama Yinni Gusunɔwa u wɔllu kua.

27 Yiiko ka girima ya wãa win wuswaaɔ.

Ma dam ka nuku dobu wãa win wãa yerɔ.

28 Bεε bwesenu kpuro,

i Yinni Gusunɔ yiiko ka bεεre wεεyɔ.

29 I Yinni Gusunɔn yĩsiru yiiko wεεyɔ.

I ka nùn kēnu daawo win sãa yerɔ.

Kpa i yiira win wuswaaɔ

i nùn sã win dεεrarun sɔ.

30 Bεε handuniagibu kpuro,

i diirio win wuswaaɔ.

Tem mu dam mɔ,

mu ñ bãarimɔ.

31 Wɔllu, a yεεrio,

kpa tem mu nuku dobu ko.

I bwesenu kpuro sɔɔwɔ

ma Yinni Gusunɔ u bandu dii.

32 Nim wɔku gu kuuki koowo,

ka ye ya wãa ge sɔɔ.

Ye ya wãa gen bera mi gia kpuro,

yu nuku dobu koowo.

33 Dãnu, i nuku dobu kuuki koowo

Yinni Gusunən wuswaaə.
Domi u wee u handuniagibu siri.

³⁴ I Yinni Gusunə siaro win tən geerun sã.

Win kīru ta ñ nəru mə.

³⁵ I nùn nəəgiru sueyo i nεε,

Gusunə bεsen Faaba kowo, a sun faaba koowo.

A sun wəro bwese tukunun nəman di,

kpa a sun menna.

Saa yera sa ko nun təma

sa n wunen yīsi dεeraru soku,

kpa sa n yēerimə, sa n mə,

³⁶ Gusunə, Isireliban Yinni,

wuna ba ko n siaramə sere ka baadommaə.

Ma təmbu kpuro ba nεε, ami! I Yinni Gusunə siaro.

³⁷ Yen biru Dafidi u Asafu ka wigibu yiire ba n wāa Yinni Gusunən woodan kpakoro ten mi, ba n səmburu mə baadomma. ³⁸ Ma u Obedi Edəmu ka Hosa ka begibu gəsa. Ben geera sāawa təmbu wata ka nəəba ita (68). Obedi Edəmu, Yedutum bii, ka Hosa ba sāawa kənnə kəsobu.

³⁹ Ma Dafidi u yāku kowo Sadəku ka wigibu yiire bu səmburu ko gunguru wəllə Gabaoniə, mi ba ra Yinni Gusunə yākuru kue, ⁴⁰ ba n da nùn yāku dōə mwaararuginu kue baadomma yāku yera, bururu ka yoka, kpa bu maa ko kpuro ye ya wāa wooda səə ye u Isireliba wē. ⁴¹ Be səəra Hemani ka Yedutum ka sere be ba gəsa ba ben yīsa sia sia mi, bu ka Yinni Gusunə sã ba wāa. Domi wi, Yinni Gusunən tən geeru ta ra n wāawa sere ka baadommaə. ⁴² Hemani ka Yedutum, bera ba ra kəbi ka səkətirənu ka sere maa yāa ni nu tien wunanəsu ko, ni ba ra ka womusu ko bā n Yinni Gusunə sāamə. Yedutum biba ba maa sāa kənnən kəsobu.

43 Yen biru, tɔmbu kpuro ba gɔsira ba wura ben yenusɔ. Ma Dafidi u maa da win yenuɔ u ka win yenugibu domaru kua.

Nɔɔ mWɛɛ te Gusunɔ u Dafidi

*ka win bibun bweseru kua
(I maa mɛɛrio Samuɛli II, 7:1-17)*

17

1 Ye Dafidi u da u sina win yenuɔ, yera u Gusunɔn sɔmɔ Natani sɔɔwa u nɛɛ, n weenɛ na n wɔa diru sɔɔ te ba kua ka dɔa gea ye ba mɔ sɛduru, kpa Gusunɔn woodan kpakororu ta n wɔa kuu bekurugiru sɔɔ?

2 Ma Natani u nɔn wisa u nɛɛ, a doo a ko nge mɛ a gɔru doke kpuro. Domi Yinni Gusunɔ u wɔa ka wunɛ.

3 Ye n kua wɔkuru, yera Yinni Gusunɔ u Natani sɔɔwa kɔsiru sɔɔ u nɛɛ, ⁴ a doo a nɛn sɔm kowo Dafidi sɔ a nɛɛ, nɛ, Yinni Gusunɔ na nɔn sɔɔmɔ ma n n wi u koo man diru bania mi na ko n wɔa. ⁵ Domi na n sinare diru garu sɔɔ saa mɔn di na ka Isireliba yarama Egibitin di sere n ka kua gisɔ. Adama na ra n wɔawa kuu bekurugirɔ kpa ba n ka man bɔsu.

⁶ Baama mi sa da nɛ ka Isireliba, na ra kparobu gɔsiwa ba n be ba tie kpare. Adama na n ben goo taare wɛere n nɛɛ, mban sɔna u n man diru banie ka dɔa ye ba mɔ sɛduru. ⁷ Yen sɔ, a doo a Dafidi nɛn sɔm kowo sɔ a nɛɛ, nɛ, Gusunɔ wɔllu ka tem Yinni, na nɛɛ, yɔa kparabun diya na nɔn wunama u n ka sɔa nɛn tɔmbu Isireliban kparo. ⁸ Na wɔa ka wi, baama kpuro mi u da. Mɛya na nɔn win yiberɛba dɛra. Ma na dɛra u yɔsiru yara nge tɔn boko dunia sɔɔ. ⁹ Na nɛn tɔmbu Isireliba ayeru kua na bu sinasia ba n ka wɔa mi ka bɔri yendu, kpa tɔn kɔsobu bu

ku raa maa se bu bu nɔni sã ¹⁰ nge mɛ ba bu kua yellu kparobun waati sɔɔ. Na win yiberɛba kpuro sekuru doke. Nɛ, Yinni Gusunɔwa na nùn sɔɔmɔ ma kon nùn ko bwese bakarun nuuru. ¹¹ Win saa yà n tura u gu, ba nùn sika win baababan sikaɔ, kon win bii turo wuna u bandu di, kpa n ban ten dam sire. ¹² Bii wiya u koo man diru bania, kpa n win sina gɔna swĩi ya n dam mɔ sere ka baadommaɔ. ¹³ Na kon sãa nge win tundo, kpa u n maa sãa nge nɛn bii. Na ñ nùn nɛn durom wunarimɔ nge mɛ na mu sunɔ wi u nùn gbiiye wunari. ¹⁴ Kon nùn ko nɛn tɔmbun sunɔ, kpa n win ban ten dam sire sere ka baadommaɔ.

¹⁵ Ye Natani u gari yi kpuro nua u kpa, yera u da u yi Dafidi sɔɔwa nge mɛ Yinni Gusunɔ u nùn sɔɔsi kãsi te sɔɔ.

Dafidi u kanaru kua

(I maa mɛrio Samueli II, 7:18-29)

¹⁶ Ma Dafidi u seewa u da Yinni Gusunɔn sãa yerɔ. U gerua u nɛɛ, Yinni Gusunɔ, na yẽ ma na ñ sãa gãanu. Nɛn bwesera kun maa gãanu tura. Ka mɛ, a man kua sunɔ Yerusalemu mini. ¹⁷ Ma a ye garisi gãa piiminu wunɛn mi. Domi a kpam gerumɔ nge mɛ nɛn bweseru ta ko n sãa sia. Ma wunɛ wi a kpã, a man ye sɔɔmɔ nɛ wi na sãa tɔn diro. ¹⁸ Mba kon maa gere bɛɛɛ ye a man doke min sɔ. Domi a man yẽ kɔ. ¹⁹ Yinni Gusunɔ, wunɛn gari ka maa wunɛn gõrun kĩrun saabuwa a ka man gãa baka nini kpuro kua. Ma a man nu sɔɔsi. ²⁰ Gãanu kpuro ye sa nua a kua, ya sɔɔsi ma a kpã. Goo sari wi u sãa nge wunɛ. Wunɛ turowa a sãa Gusunɔ. ²¹ Bweseru garu maa sari nge bɛɛɛ Isireliba te ta koo nɛɛ, ten bũu u tu yakiamu yorun di, ma u tu yĩsiru

kā ta n ka sãa wigiru. Ka geema, gãa bakana a sun kua. A maa gãa maamaakiginu kua besen wuswaaɔ ye a ka bwese tukunu gira besen wuswaan di, ma a sun yakama Egibitigibun min di. ²² A wunen tambu Isireliba swĩi ba n ka sãa wunegibu mam mam sere ka baadommaɔ. Ma wunε Gusunɔ, a kua ben Yinni. ²³ N n men na, gari yi a gerua ne ka nen bweserun sɔ a de yi koor a sere ka baadommaɔ. ²⁴ A de wunen yĩsiru tu wolle suara sere ka baadommaɔ. Kpa bu neε, wunε Gusunɔ wollu ka tem Yinniwa a sãa Isireliban Yinni. Kpa a de nen bwese kera ya n bandu dii wunen wuswaaɔ. ²⁵ Yinni Gusunɔ, wunen tiywa a man sɔɔwa a neε, kaa de nen bibun bweseru tu bandu di nen biru. Yen sɔna na ka kãka na kana teni mɔ. ²⁶ Yinni, wuna a sãa Gusunɔ. Wuna a maa ne wunen sɔm kowo durom menin nɔɔ mwεeru kua. ²⁷ N n men na, a nen bweseru domaru kuo, kpa ta n bandu dii sere ka baadommaɔ wunen wuswaaɔ. Ye a domaru kua, ya ko n maa domaru mɔwa sere ka baadommaɔ.

*Dafidi u bwese tukunu kamia
(I maa mεerio Samueli II, 8:1-14)*

18

¹ Yeniban biru, Dafidi u Filisitiba kamia, u bu sekuru doke. Ma u Gati ka yen baru kpaanu mwa. ² Ma u Mɔabuba kamia ba kua win yobu. Ma ba nùn wɔɔ gobi kɔsiamɔ. ³ Yen biru u Hadadesεε, Soban sina boko kamia Hamatin bera gia, sanam me wi, Hadadesεε u dɔɔ u win tem yasia daa te ba mɔ Efaratiɔ. ⁴ Ma Dafidi u nùn tabu keke nɔrɔbu (1.000) mwaari ye dumi gawe, ka maasɔbu nɔrɔbun suba nɔɔba yiru (7.000), ka naanaakobu nɔrɔbun suba

yendu (20.000). Ma u ben dumi kpuron naa sīnu bōra ma n kun mō wunōbu (100) yi u tii deria. ⁵ Sirigii be ba wāa Damasiō ba na bu ka Hadadesεε, Soban sina boko somi. Ma Dafidi u ben tōmbu nōrōbun suba yenda yiru (22.000) go. ⁶ Ma u bu kparobu yīya. Ma Sirigii be, ba kua win yobu, ba nūn wōō gobi kōsiamō. Yinni Gusunō u ra n Dafidi kōsuwa baama kpuro mi u da. ⁷ Ma u Hadadesεεn sōm kowobun tērenu mwεera ni ba kua ka wura. Ma u ka nu na Yerusalemuō. ⁸ U maa sii gandu gurama ta kpā Tibusati ka Kunun di. Wusu yiru ye, ya sāawa Hadadesεεgisu. Sii gan teya Salomōō u ka boo kua ka gen yōratii ka maa sāa yerun dendi yānu.

⁹ Ye Tohu, Hamatin sina boko u nua ma Dafidi u Hadadesεε, Soban sina boko ka win tabu kowobu kamia, ¹⁰ yera u win bii Hadoramu gōra Dafidin mi u nūn tōbiri kpa u nūn siara yēn sō u Hadadesεε tabu wōri u kamia. Domi Tohu u raa ka Hadadesεε tabu mōwa. Ma u Dafidi gbēa mōrisia bwese bweseka ye ba kua ka wura ka sii geesu ka maa sii gandu. ¹¹ Ma Dafidi u ye kpuro yi Yinni Gusunōn sō, ka maa sii geesu, ka wura ye u mwεera bwese tuku ninin min di. Niya, Edōmuba ka Mōabuba ka Amōniba ka Filisitiba ka sere Amalekiba.

¹² Abisai, Seruyan bii, u Edōmuba kamia wōwāō ye ba mō Bōru. Ma u ben nōrōbun suba yendu yiru sari (18.000) go. ¹³ Ma u kparobu yi yi Edōmu mi. Ma Edōmu be kpuro ba kua Dafidin yobu. Yinni Gusunō u ra n Dafidi kōsuwa baama kpuro mi u da.

*Dafidin sōm kowobun yīsa
(I maa mērio Samuēli II, 8:15-18)*

14 Dafidi u bandu di Isireliba kpuro sɔɔ. Ma u gea m̀, u bu siriamme dee dee. 15 Yoabu, Seruyan biiwa u tabu kowobu kpare. Ma Yosafati, Ahiludun bii u sãa tirenun bero. 16 Sadaku, Akitubun bii, ka Abimeleki, Abiataan biiwa ba sãa yãku kowobu. Ma Safusa u sãa tire yoro. 17 Benaya, Yehoyadan biiwa u sãa Keretiba ka Peletiban kparo. Ma Dafidin bibu ba sãa win gerunasibu.

Ba Dafidin sina asakpɔbu

sekuru doke

(I maa mɛrio Samueli II, 10:1-5)

19

1 Yeniban biru Nakasi, Amɔniban sina boko u gu. Ma win bii u bandu kəsire kua. 2 Ma Dafidi u nɛɛ, kon Hanuni, Nakasin bii wi tɔn geeru kua. Domi meya win tundo u man kua. Yera Dafidi u sɔmɔbu gɔra bu ǹn nukuru yemiasia win tondon gɔɔn sɔ. Ye Dafidin sɔmɔ be, ba tura Hanuni win mi, Amɔniban temɔ bu ka ǹn nukuru yemiasia, 3 yera Amɔniban wirugibu ba Hanuni sɔɔwa ba nɛɛ, a tamaa Dafidi u ka wunɛn tundo beɛɛ wɛn sɔna u sɔmɔbu gɔrima bu nun nukuru yemiasia? A ǹn yɛ bu ka wuu ge bukiana bu gen saria gia kpa bu gu wɔrima bu kam koosian sɔna sɔmɔ beni ba na wunɛn mi?

4 Yera Hanuni u Dafidin sɔmɔ be mwa u ben toba kɔna ma u ben yabenu karana saa suunun di sere taanɔ. Ma u bu yɔsu ba doona. 5 Ye Dafidi u nua ye n tɔn be deema ma u wa ba wãa seku bakaru sɔɔ, yera u gabu gɔra bu ka bu yinna kpa bu bu sɔ bu gina doo bu sina Yerikoɔ sere ben toba ye, yà n kpia bu sere wurama.

Dafidi u ka Amøniba

ka Sirigibu tabu kua

(I maa mærio Samuëli II, 10:6-19)

⁶ Ye Amønì be, ba wà ma ba Dafidin mǎru seeyawa, yera Hanuni ka Amønì be, ba sii geesun gobi nǎrǎbu (1.000) mǎrisia Sirigibun mi be ba wǎa Mēsopotamiǎ ka Maakaǎ ka sere Sobaǎ bu ka bu tabu kekēba ka maasǎbu wēema. ⁷ Ma ba bu tabu kekē nǎrǎbun suba tēna ka yiru (32.000) wēema, ka maa Maakan sunǎ ka win tabu kowobu. Ma ba na ba ben sansani gira Mēdebaǎ. Ma Amøniba ba maa yarima ben wusun di ba mēna ka tabun sǎuru.

⁸ Ye Dafidi u nua mē, yera u bu Yoabu ka win tabu kowo damgibu sure. ⁹ Ma Amøniba ba yarima ba wǎa wuun duu yerǎ. Sinam be ba maa bu somiru na, ma ba da ba yǎra nēnnenka. ¹⁰ Ma Yoabu u deema u koo tabu kowa biruǎ ka wuswaaǎ. Ma u Isireliban tabu kowo damgibu sǎǎ tabu kowo wuuru sua u Sirigibu kpare. ¹¹ Ma u maa win wǎnǎ Abisai tabu kowo be ba tie wē bu ka Amøniba wǎri. ¹² Ma u nēē, Sirigibu bà n man kamiamǎ, a man somiru na. Amøniba bà n maa nun kamiamǎ, kon nun somiru na. ¹³ A de a n wǎrugǎru mǎ, kpa su taa bi ko ka wǎrugǎru bēsen tǎmbun sǎ ka maa Gusunǎ bēsen Yinnin wusun sǎ. Kpa Yinni Gusunǎ u ko ye n ko n nùn wēre.

¹⁴ Ma Yoabu ka win tǎmbu ba Sirigibu tabu wǎri. Ma Sirigii be, ba duki sua Yoabun wuswaan di. ¹⁵ Ye Amøniba ba wa ma Sirigibu ba duki sua, yera ben tii ba maa duki yarina Abisai, Yoabun wǎnǎn wuswaan di ba dua wuuǎ. Ma Yoabu u gǎsirama Yerusalemuǎ.

¹⁶ Ye Sirigibu ba wa ma Isireliba ba bu kamiawa, yera ba sãmɔbu gɔra bu Sirigii be ba wãa daarun guru giɔ sokuma. Sofaki, Hadadesɛɛn tabu kowobun wirugii u bu gbiiye. ¹⁷ Ma ba ye Dafidi nɔɔsia. Yera u Isireliban tabu kowobu kpuro mɛnna, u ka bu Yuudɛni tɔbura, ma ba sãa ba da Sirigii ben bera gia ba bu tabu wɔri ba kamia. Ma Sirigii be, ba duki sua Isireliban wuswaan di. ¹⁸ Dafidi u ben tabu kɛkɛ be dumi gawe nɔrɔbun suba nɔɔba yiru (7.000) kɔsuka ka be ba wãa be sɔɔ, ka naanaakobu nɔrɔbun suba weeru (40.000), ka sere maa ben tabu sunɔ Sofaki.

¹⁹ Ye Hadadesɛɛn sãm kowobu ba wa ma Isireliba ba bu kamiawa, yera ba ka Dafidi nɔɔ tia kua ba nùn tii wɛ. Saa dɔma ten di, Sirigibu ba ku ra maa kã bu Amɔniba somiru da.

Yoabu u Raba tabu wɔri

u mwa

(I maa mɛɛrio Samueli II, 11:1; 12:26-31)

20

¹ Wɔɔ kpɔɔn saa yɛ sɔɔ sinambu ba ra tabu yari, yera Yoabu ka win tabu kowo damgii be u kpare ba da ba Amɔniban tem wɔri ba kɔsuka. Ma ba Raba tarusi ba mwa. N deema saa ye sɔɔ, Dafidi u wãawa win yɛnuɔ Yerusalemuɔ.

² Yen biruwa Dafidi u wuu gen sunɔn furɔ wuraguu mwa. Gen bunum mu sãawa kilo tɛna ka nnɛ. Ma ba gu kpee gobiginu gore. Ma ba gu sua ba Dafidi dokea wirɔ. Yen dɔma te, dukia baka Dafidi u gura wuu gen min di u ka doona.

³ Ma u gen tɔmbu yoo sɔma koosia. Ben gaba dãa bɔɔrimɔ ka sii, gaba ka gbɛɛ, gaba kpenu dākumɔ,

ma gaba tem gbemə ka dākunu. Nge meya u maa Amə niban wusu kpuron tambu yoo səma koosia. Yen biru, Dafidi u gəsirama Yerusalemuə ka win tabu kowobu.

*Ba Filisitiba kamia
(I maa mɛrio Samueli II, 21:18-22)*

⁴ Yeniban biru Isireliba ba ka Filisitiba tabu kua Gesεε. Saa ye səra Sibekai, Husagii u Sipai, Rafan bweserun turo go. Ma u Filisiti be sekuru doke.

⁵ Yen biru tabu maa seewa Isireliba ka Filisitiban suunu sə. Yera Elikanani Yairin bii, u Lasimi, Goliati, Gatigiin wənə go. Lasimi win yaasan buru ta bəruwa nge weson beku tēketiru. ⁶ Isireliba ba maa ka Filisitiba tabu kua Gati mi. Miya tabu kowo goo wāa u gunu too. Niki binu nəba tia tiawa u mə nəmaə ka naasə. Ma ni kpuro nu kua yenda nne. Win tii u sāawa Rafan bweserugii. ⁷ U Isireliba nə kuura, ma Yonatham, Dafidin məə, Simean bii, u nən go.

⁸ Tən be kpuro ba sāawa Rafan bweseru. Dafidi ka win tabu kowoba ba bu go Gatiə.

*Dafidi u dera ba Isireliba gara
(I maa mɛrio Samueli II, 24:1-9)*

21

¹ Sə teeru Setam u Isireliba seesi, ma u Dafidi bərie u ka bu gari. ² Ma Dafidi u Yoabu ka tabu kowobun wirugii be ba tie səwa u nεε, bu doo bu Isireliba gari saa ben tem sə yəsən nəm geu gian di sere mən sə yəsən nəm dwarə, kpa bu na bu nən gəra tusia. Nge meya u koo ka ben geeru gia.

³ Yoabu u wisa u nεε, Yinni Gusunə u de win tambu bu dabia wunəm wunəm subenu. Nən yinni

sina boko, tən beni kpurowa ba sāa wunen səm kowobu. Mban sōna a maa yeni bikiamə. Mban sōna kaa bu torasia.

⁴ Adama sina boko u yōrariwa win wooda ye sɔɔ dim dim, ye u Yoabu wē mi. Ma Yoabu u da u Isireliban tem kpuro bukiana. Ma u wurama Yerusalemuə. ⁵ U Dafidi gari gari yi tusia. Isireli be ba koo kpī bu tabu ko, ben geera sāawa yako tia ka tumbu nərəbun suba wunəbu (1.100.000). Yudaban geera sāawa nərəbun suba nɛru ka wata ka wəkuru (470.000).

⁶ Yoabu u n Lefin bwese keragibu ka Benyamɛn bwese keragibu gara. Domi sina bokon wooda ye, ya n ka nùn naawe.

Yinni Gusunə u Dafidi

taarɛ wē

(I maa mɛrio Samueli II, 24:10-17)

⁷ Dafidin wooda ye, ya n Yinni Gusunə dore. Ma u Isireliba sɛɛyasia. ⁸ Ma Dafidi u Yinni Gusunə sōwa u nɛɛ, ye na kua mi, tora bakara. A de a nɛ wunen səm kowo suuru kua, domi wiira kookoosa na kua mi.

⁹ Ma Yinni Gusunə u win səmə Gadi sōwa u nɛɛ, ¹⁰ a doo a Dafidi sō a nɛɛ, ameniwa nɛ, Yinni Gusunə na gerua. Na nɛɛ, wee, na nùn nəni swāanu ita yiiye. U gəsio te u kī n ka nùn sɛɛyasia.

¹¹ Yera Gadi u da Dafidin mi, ma u nùn sōwa u nɛɛ, ameniwa Yinni Gusunə u gerua. ¹² U nɛɛ, gđoru tu wunen tem wəri wđo ita, n kun mɛ wunen yibereba bu ka nun tabu ko suru ita bu kamia, n kun mɛ Yinni Gusunə u de gəon gərado u kəsi kəsi bararu pusi Isireliban tem kpuro sɔɔ u mu

kpeerasia. Nōni swāanu ita ye sōō, a gōsio ye a kī kpa n da n ye Yinni Gusunō sō, wi u man gōrima.

¹³ Dafidi u Gadi wisa u nēē, na wāa nuku sankira bakānu sōō. Adama n buram bo n wōri Yinni Gusunōn nōmuō ye kon ka wōri tōmbun nōmaō. Domi win wōnwōnda kpā.

¹⁴ Ma Yinni Gusunō u kēsi kēsi bararu sure Isireliba sōō. Ma tōmbu nōrōbun suba wata ka wōkuru (70.000) ba gu. ¹⁵ Yinni Gusunō u win gōrado gōra Yerusalemō u ye kpeerasia. Sanam mē gōrado wi, u ye kpeerasiamō, Yinni Gusunō u mēera, ma u gōru gōsia kōsa yen di. Ma u win gōrado wi u wuu ge kpeerasiamō mi, sōōwa u nēē, n den tura mē, a wunēn nōmu wunō.

N deema gōrado wi, u wāawa Jōnani, Yebusin doo soo yerō. ¹⁶ Dafidi u nōni seeya u gōrado wi wa u wāa wōllu ka tem baa sōō, u win takobi sue Yerusalemun bera gia. Yera Dafidi ka win tōmbun guro gurobu ba saaki dewa ma ba yiira ba wuswaa tem girari nuku sankiranun sō. ¹⁷ Yera Dafidi u Yinni Gusunō sōōwa u nēē, nēna na wooda wē bu tōn be gari. N n mēn na, nēna na tora. Tōn beni ba nē gāanu kue. Yen sō, a nē ka nēn yenugibu nōma dokeo kpa a wunēn tōmbu Isireliba deri.

Dafidi u Yinni Gusunō

yāku yeru bania

(I maa mēerio Samuēli II, 24:18-25)

¹⁸ Yinni Gusunōn gōrado u Gadi sōōwa u nēē, a Dafidi sōōwō a nēē, u doo Jōnani, Yebusin doo soo yeru mi, u Yinni Gusunō yāku yeru bania.

¹⁹ Ma Dafidi u seewa u da nge mē Yinni Gusunō u Gadi sōōwa. ²⁰ N deema Jōnani u wāa win doo soo yerō ka win bibu nne ba alikama soomō. Ye u

sĩira yera u Gusunən gərado wa ma ba da ba kukua. ²¹ Ma Dafidi u da Ɖənanin mi. Ye Ɖənanin u Dafidi wa, yera u yarima doo soo yee ten min di u yiira win wuswaaɔ u siriru tem girari. ²² Ma Dafidi u nùn sɔɔwa u nɛɛ, a man wunɛn doo soo yee te derio n Yinni Gusunɔ yāku yeru bania mi. Kpa wahala ye ya nɛn tɔmbu deema mi, yu kpe. Kon tu dwe ka sii geesun gobi nge mɛ kaa ten gobin geeru bure.

²³ Ma u Dafidi sɔɔwa u nɛɛ, nɛn yinni sina boko, a tu suo a ka ko ye a kī. Keɛba wee, a ka yāku dɔɔ mwaararugiru ko. Naa kekeba wee yi ko yāku dāa. Alikama wee a ka kērun yākuru ko. Ye kpuro na nun kāwa.

²⁴ Ma Dafidi sina boko u nùn wisa u nɛɛ, aawo, kon tu dwewa nge mɛ kaa ten gobin geeru bura. Na n Yinni Gusunɔ gāanu wēemɔ ni nu sāa wunɛginu n ka nùn yāku dɔɔ mwaararugiru kua te ta n man gāanu diiri.

²⁵ Ma Dafidi u nùn wuran gobi nata (600) wē yam min sɔ. ²⁶ Dafidi u Yinni Gusunɔ yāku yeru bania mi. Ma u yāku dɔɔ mwaararuginu ka siarabun yāku kua. Yen biru u Yinni Gusunɔ kana. Ma Yinni Gusunɔ u win kanaru mwa, u dera dɔɔ u sarama wəllun di yāku yeru wəllu mi, u yāku ni mwa. ²⁷ Yinni Gusunɔ u ka win gərado wi gari kua, ma u win takobi wesia yen kararɔ.

²⁸ Saa yera Dafidi u tuba ma Yinni Gusunɔ u win kanaru mwa Ɖənanin Yebusin doo soo yeru mi. Saa dɔma ten diya u ra nùn yākuru kue mi. ²⁹ Saa ye sɔɔ, Yinni Gusunən kuu bekurugii te Məwisi u kua gɓaburɔ, ta wāawa Gabaonin gungurɔ ka yāku yeru sannu mi ba ra yāku dɔɔ mwaararuginu ko.

³⁰ Dafidi kun kpɛ u da kuu bekurugii ten mi, u ka

bikiaru ko Yinni Gusunən mi, yèn sã berum nùn mwa gɔrado win sã.

22

¹ Ma Dafidi u nɛɛ, yam miniwa ba koo Yinni Gusunən sãa yeru bani. Miya yãku yera ko n maa wãa mi Isireliba ba ko n da yãku dɔɔ mwaararuginu ko.

Dafidi u Yinni Gusunən

sãa yerun sɔɔru mɔ̀

² Dafidi u dera ba sɔbu kpuro menna be ba wãa Isireliɔ. Ma u bu yiire bu kpee bakanu daku bu ka Yinni Gusunən sãa yeru bani. ³ U maa sisu sɔɔru kua siki siki bu ka kulumba seku gamboban kadiriban sɔ ka maa sɔretii. Sii gan te u menna, ta kpã sere n n koorɔ bu tu yĩire. ⁴ Mɛya u maa dãa gea ye ba mɔ̀ sɛduruba menna siki siki sere ba n kpɛ bu ye gari. Sidonigibu ka Tirigiba ba ka nùn ye naawa. ⁵ Domi Dafidi u tii sɔɔwa u nɛɛ, win bii Salomɔɔ u sãawa bii piibu. U n gina bwisi mɔ. Wee sãa yee te ba koo Yinni Gusunɔ bania mi, ta ko n yĩsiru yarawa tem kpuro sɔɔ ten giriman kpãarun sɔ. Yen sɔna u kĩ u nùn ten sɔɔru kua. Ma Dafidi u sɔɔru dabinu kua u sere gu.

Dafidi u Salomɔɔ yiire

u Yinni Gusunən sãa yee te

bani

⁶ Dafidi u win bii Salomɔɔ soka ma u nùn yiire u nɛɛ, a Gusunɔ Isireliban Yinni sãa yeru bania. ⁷ Nɛn bii, nɛn tiywa na raa gɔru doke n nùn tu bania. ⁸ Adama u man sɔɔwa u nɛɛ, na tɔmbun yem yari

too win wuswaaɔ taa baka bi na kuan sã. Yen sã n ñ ne kon nùn sãa yeru bania mi ba ko n da nùn sã. ⁹ Adama kon bii ma. Bii wi, u ko n wãawa b̄ari yendu sɔɔ. U koo maa nùn w̄ara win yibere be ba ka nùn sikereneɲ n̄aman di. Ba koo nùn sokuwa Salomɔɔ. Yen tubusiana b̄ari yendu. Domi win bandun saa sɔɔ, u koo de Isireliba ba n wãa b̄ari yendu sɔɔ. ¹⁰ Wiya u koo nùn sãa yeru bania. U ko n sãawa win bii, kpa wi, u n maa sãa win tundo. Kpa u win bandun dam sire Isireliban suunu sɔɔ sere ka baadommaɔ. ¹¹ Tẽ, neɲ bii, Gusunɔ wunen Yinni u ko n ka nun wãa. Kpa wunen wãaru tu daka da. Kpa a kpĩ a nùn sãa yee te bania nge me u nun yiire. ¹² U de a n bwisi ka ȳeru mɔ sanam me u koo de a bandu di Isireliba sɔɔ, kpa a win woodaba mem nɔɔwa. ¹³ À n Yinni Gusunɔn wooda ka win yiirebu mem nɔɔwa bi u M̄owisi w̄e Isireliban sã, saa yera ye a m̄è kpuro ya koo nun kora. A n gesi dam ka w̄eruḡeru mɔ. A ku nanda, a ku maa berum ko. ¹⁴ Wee na kookari kua na wura s̄aru kua ya t̄onnu n̄ar̄obun suba ita (3.000) kere Yinni Gusunɔn sãa yee ten sã. Ma na sii geesu s̄aru kua su t̄onnu n̄ar̄obun suba t̄ena (30.000) kere. Na sii gandu ka sii w̄okusu s̄aru kua siki siki sere ba ñ kp̄e bu su ȳire. Meyã na maa d̄ãa ka kpenu s̄aru kua. Adama wunen tii kaa kpĩ a maa sosi mi sɔɔ. ¹⁵ S̄om kowoba ko n wãa wunen b̄akuɔ dabi dabinu. Bera be ba ra kpenu d̄aku ka be ba ra d̄ãa d̄aku ka sere be ba s̄om bwese bwesekan kobu ȳe. ¹⁶ Wee a wura ka sii geesu ka sii gandu ka sii w̄okusu mɔ su ñ geeru mɔ. Tẽ, a seewo, kpa a s̄ambu te ko. Kpa Yinni Gusunɔ u n ka nun wãa.

¹⁷ Yen biru Dafidi u Isireliban guro gurobu kpuro yiire bu win bii Salomɔɔ somi s̄ambu te sɔɔ.

18 U maa bu sɔɔwa u nɛɛ, Gusunɔ bɛɛn Yinni u wãa ka bɛɛ. Wiya u dera i wãa bɔri yɛndu sɔɔ beri berika. Domi u man tem mɛ nɔmu bɛria. Ma mu kua wi ka win tɔmbugim. 19 Tɛ i Gusunɔ bɛɛn Yinni kasuo ka bɛɛn gɔru kpuro ka bɛɛn bwɛra kpuro. I seewo i win sãa yeru bani, kpa i ka win woodan kpakororu ka win sãarun dendi yãnu kpuro da mi.

23

Dafidi u dera ba Lefiba gara

1 Ye Dafidi u tɔkɔ kua, yera u win bii Salomɔ kua Isireliban sunɔ. 2 Ma u Isireliban guro gurobu ka yãku kowobu ka Lefiba mɛna.

3 Ma ba Lefiba gara tia tia be ba wɔɔ tɛna mɔ, ka be ba kere mɛ. Ma ben geera kua nɔrɔbun suba tɛna ka nɔɔba ita (38.000). 4 Ma Dafidi u tɔmbu nɔrɔbun suba yɛnda nɛɛ (24.000) gɔsa be sɔɔ, be ba ko n da Yinni Gusunɔn sãa yee ten bana nɔni doke, ka tɔmbu nɔrɔbun suba nɔɔba tia (6.000) be ba koo tɔmbu kpapa, kpa ba n da bu sirie. 5 U maa tɔmbu nɔrɔbun suba nɛɛ (4.000) gɔsa be ba tie sɔɔ, ba n da sãa yee ten kɔnnɔsu kɔsu, kpa tɔmbu nɔrɔbun suba nɛɛ (4.000) be ba tie ba n da Yinni Gusunɔ tɔmɛ ka dwee yãa ni wi, Dafidi u dera ba kua bu ka Yinni Gusunɔ siara. 6 Ma u bu bɔnu kua wuu wuuka nge mɛ ba ka wãa Gɛɛsɔni ka Kehati ka Merari, Lefin bibun bwese keri sɔɔ.

7 Gɛɛsɔnin biba Ladani ka Simeɪ. 8 Bibu itawa Ladani u mara. Bera Yehieli ka Setamu ka Yoeli. Yehieliwa u sãa ben gbiikoo. 9 Bibu itawa Simeɪ u mara. Bera Selomiti ka Hasieli ka Harani. Bera ba sãa Ladanin bwese keran wirugibu. 10 Simeɪ u maa bibu nɛɛ gabu mara. Bera Yasati ka Sina ka Yeusi ka Beria. 11 Yasatiwa u sãa ben gbiikoo. Ma Sina u

sāa yiruse. Yeusi ka Beria ba ñ bibu mara n dabi. Ma ba bu garisi bwese keri tia.

¹² Bibu nnεwa Kehati u mara. Bera Amuramu ka Yisehari ka Heboroni ka Usieli. ¹³ Amuramun biba Aroni ka Məwisi. Ma ba Aroni ka win bibun bweseru gəsa ba yi nεnεm sere ka baadommaə ba n da ka Yinni Gusunə turare dəə dokeye, kpa ba n da maa sāarun səmburu ko, kpa ba n da maa təmbu domaru kue ka Yinni Gusunən yīsiru. ¹⁴ Adama ba Məwisi Gusunən səm kowon bibu garisiwa Lefin bwese kera səə. ¹⁵ Məwisin biba, Gεεsəmu ka Eliesεε. ¹⁶ Gεεsəmun bii gbiikoowa Sebueli. ¹⁷ Eliesεen biiwa Rehabia. Bii turo win biru u ñ maa goo mara. Adama Rehabia u bibu mara ba dabi. ¹⁸ Yiseharin bii gbiikoowa Selomiti. ¹⁹ Bibu nnεwa Heboroni u mara. Bera Yeriya ka Amaria ka Yasieli ka Yekameamu. ²⁰ Bibu yiruwa Usieli u mara. Bera Misee ka Yisiya.

²¹ Merarin biba Makili ka Musi. Makilin biba maa Eleasaa ka Kisi. ²² Eleasaa u ñ bii tən durəbu mara u ka gu. Bii tən kurəba u mara. Bera ben mero bisibu Kisin bibu ba sua kurəbu. ²³ Bibu itawa Musi u mara. Bera Makili ka Edeε ka Yereməti.

²⁴ Be ba sāa ben yenun wirugibu Lefin bibun bweseru səə nge mε ba ka bu tireru doke tia tia, bera mi. Bera ba ko n da səmburu ko Yinni Gusunən sāa yerə saa be ba wəə yendu mən di n ka da be ba mε kere. ²⁵ Domi Dafidi u raa nεε, Gusunə Isireliban Yinni u win təmbu bəri yendu wε. Yen biru u ko n wāawa Yerusalemuə sere ka baadommaə. ²⁶ Saa ye səə, Lefiba ba ñ maa Yinni Gusunən kuu bekurugiru ka ten dendi yānu səəmə. ²⁷ Dafidin yiire dāaki bin biruwa ba Lefiba gara saa be ba wəə yendu mən di n ka girari be ba kere mε.

28 Ba bu dokewa Aronin bibun bweserun wuuru sɔɔ bu ka sɔmburu ko Yinni Gusunɔn sãa yerun yaaraɔ ka ten dii sɔsɔ. Bera ba ko n da sãa yee ten dendi yãnu kpuro dɛerasie kpa bu maa sɔma gaa ko mi. 29 Bera ba ko n da pɛɛ ye ba ko n da Yinni Gusunɔ yiiye ko, ka sere maa som mɛ ba ko n da ka kɛnun yãkunu ko, ka pɛɛ ye ba ku ra seeyatia doke, ka pɛɛ ye ba ra wɔ pɛrenti sɔɔ, ka kira ni ba ra sɔmɛ. Beya ba ko n da yeba kpuron kpãaru ka yen dɛɛbun saria mɛeri. 30 Ba ko n da nɛwa sãa yeru mi bururu ka yoka bu ka Yinni Gusunɔ tɔma, kpa bu nùn bɛɛɛ wɛ. 31 Mɛya ba ko n da maa nùn yãku dɔɔ mwaararuginu kue baadomma tɔɔ wɛrarugiru sɔɔ, ka suru kpao ù n yara, ka tɔɔ baka ni nu tia sɔɔ nge mɛ nin geera nɛ ka nge mɛ ba nin wooda yi. 32 Bera ba ko n da Yinni Gusunɔn kuu bekurugirun sɔmburu ko, kpa Aronin bibun bweseru tu maa win sãa yerun sɔmburu ko.

24

Yãku kowobun wuunu

1 Ba Aronin bibun bweseru bɔnu kua wuuru ka wuuru. Bibu nnɛwa Aroni wi, u mara. Bera Nadabu ka Abihu ka Eleasaa ka Itamaa. 2 Nadabu ka Abihu ba ghia ba guwa ben tundo u sere gu. Be, ba ñ bibu mara. Eleasaa ka Itamaa, be tɔnawa ba yãku sɔma kua. 3 Dafidi u Aronin bibun bweseru bɔnu kuawa nge mɛ ben baawuren sɔmbura sãa. Sadɔku u wãawa Eleasaan bibun bweseru sɔɔ. Ma Akimɛleki u maa wãa Itamaan bibun bweseru sɔɔ. 4 N deema tɔmba dabiru bo Eleasaan bibun bweseru sɔɔ n kere Itamaan bibugiru sɔɔ. Yen sɔna ba Eleasaan bibun bweseru bɔnu kua wuuru wɔkura nɔɔbu ka tia, nin baatere ka ten wirugii.

Ma ba maa Itamaan bibugiru bōnu kua wuuru nōɔba ita, nin baatere ka ten wirugii. ⁵ Ba bu bōnu kuawa ka tete. Domi be ba sāa sāa yerun wirugibu ka Yinni Gusunōn sāarun wirugibu, be kpuro ba sāawa Eleasaa ka Itamaan bibun bweseru.

⁶ Tire yoro Semaya, Netanēlin bii, Lefin bwese kera sō, wiya u ben yīsa tireru doke sina boko ka wirugibu ka yāku kowo Sadaku ka Akimēleki, Abiataan bii ka yāku kowobun wirugibu ka Lefiban wirugibun wuswaa. Ba Eleasaa ka Itamaan bibun bwese nin yīsa tireru dokewa ka tete. Ba ra gina Eleasaagibu gōsiwa, yen biru kpa bu maa Itamaagibu gōsi. ⁷⁻¹⁸ Wuuru ka wuurun wirugii be ba gōsa ka tete, ben yīsa wee.

Yehoyaribuwa u sāa gbiikoo.

Ma Yedaya u sāa yiruse.

Ma Harimu u sāa itase.

Ma Seorimu u sāa nnese.

Ma Maakiya u sāa nōɔbuse.

Ma Miyamini u sāa nōɔba tiase.

Ma Hakotu u sāa nōɔba yiruse.

Ma Abiya u sāa nōɔba itase.

Ma Yosue u sāa nōɔba nnese.

Ma Sekania u sāa wōkuruse.

Ma Eliasibu u sāa wōkura tiase.

Ma Yakimu u sāa wōkura yiruse.

Ma Hupa u sāa wōkura itase.

Ma Yesebabu u sāa wōkura nnese.

Ma Biliga u sāa wōkura nōɔbuse.

Ma Imeri u sāa wōkura nōɔbu ka tiase.

Ma Hesiri u sāa wōkura nōɔbu ka yiruse.

Ma Hapisesi u sāa wōkura nōɔbu ka itase.

Ma Petahia u sāa wōkura nōɔbu ka nnese.

Ma Eskieli u sāa yenduse.

Ma Yakini u sãa yenda tiase.
 Ma Gamulu u sãa yenda yiruse.
 Ma Delaya u sãa yenda itase.
 Ma Maasia u sãa yenda nnese.

¹⁹ Nge meya ba ka bu yi yi bu ka sãmburu ko Yinni Gusunãn sãa yerã. Ba ra ben sãmburu kowa nge me ben sikado Aroni u bu yiire bu ko. N deema Gusunã Isireliban Yinnin tiwa u Aroni wooda ye wẽ.

Lefi be ba tien yĩsa

²⁰ Lefin bibun bweserun wirugii be ba tien yĩsa wee.

Amuramun bibun bweseru sãã, Subaeliwa. Subaelin bibun bweseru sãã, Yesidiawa.

²¹ Rekabian bibun bweseru sãã, Yisiyawa u sãa gbiikoo. ²² Yiseharin bibun bweseru sãã, Selomãtuwa.

Selomãtun bibun bweseru sãã maa, Yasatiwa. ²³ Heboronin bibun bweseru sãã, Yeriyaawa u sãa gbiikoo.

Ma Amaria u sãa yiruse. Ma Yasieli u sãa itase. Ma Yekameamu u sãa nnese.

²⁴ Usielin bibun bweseru sãã, Miseewa. Miseen bibun bweseru sãã, Samiriwa. ²⁵ Yisiya, Miseen mããn bibun bweseru sãã, Sakariwa.

²⁶ Merarin bibun bweseru sãã, Makili ka Musi ka Musin bii Yasian biba. ²⁷ Yaasiya, Merarin biin bibun bweseru sãã, Sohamu ka Sakuri ka Ibiriwa.

²⁸⁻²⁹ Makilin bibun bweseru sãã, Eleasãawa, wi u kun bibu mara. Kisin bibun bweseru sãã, Yerameliwa. ³⁰ Musin bibun bweseru sãã, Makili ka Edeẽ ka Yerimãtiwa.

Be ba sãa Lefin bibun bweserun kerĩ, bera mi. ³¹ Ben tii ba tete tobawa nge me begibu Aronin bibun bweserugibu ba kua sina boko Dafidi ka Sadãku ka Akimelẽki ka yãku kowobun wirugibu

ka Lefiban wirugibun wuswaaɔ. Ka woro tee teya ba ka ben baawuren yĩsiru tireru doke, ba ñ ben keranaa mɛɛra.

25

Wom kowobun wuunu

¹ Dafidi ka tabu sinambu ba Asafun bibun bweseru ka Hemanin bibugiru ka Yedutum bibugiru gɔsa ba yi nenem s̄aarun s̄ɔ. Gari yi Gusunɔ u bu s̄ɔɔwa, yiya ba ra ka womusu ko ka m̄ar̄akunu ka guunu ka s̄eketirenu. Be ba s̄oma ye m̄ɔ, ben yĩsa wee.

² Asafun bibun bweseru s̄ɔɔ, Sakuri ka Yosefu ka Netania ka Asarela. Ben tundo Asafuwa u ra n bu kpare. Gari yi Gusunɔ u n̄un s̄ɔɔwa yiya u ra n ka womu m̄ɔ nge mɛ sina boko u n̄un yiire.

³ Yedutum bibun bweseru s̄ɔɔ, Gedalia ka Seri ka Esai ka Hasabia ka Matitia ka Simeɪwa. Ben tundo Yedutumwa u ra n bu kpare. Gari yi Gusunɔ u n̄un s̄ɔɔwa, yiya u ra n ka womu m̄ɔ ka m̄ar̄aku, u n ka Gusunɔ siaramɔ kpa u n n̄un b̄eɛɛ w̄ɛɛm̄ɔ.

⁴ Hemanin bibun bweseru s̄ɔɔ maa, Bukia ka Matania ka Usieli ka Sebueli ka Yerim̄oti ka Hanania ka Hanani ka Eleata ka Gidaliti ka Romanti Eɛɛ ka Yosibekasa ka Mal̄oti ka Hotiri ka Makasioti. ⁵ Beni kpurowa ba s̄aa Hemanin bibun bweseru. Hemani wiya u ra Yinni Gusunɔn dam w̄alle sue kpa u sina boko s̄ɔ ye Yinni Gusunɔ u gerua. Hemani wi, u bii t̄ɔn dur̄ɔbu mara w̄akura nne, bii t̄ɔn kur̄ɔbu maa ita.

⁶ T̄ɔn be kpurowa ba ra womusu ko Yinni Gusunɔn s̄aa yerɔ ka s̄eketirenu ka guunu ka m̄ar̄akunu kpa ben tundɔbu ba n bu kpare. Ba ra ben s̄amburu kowa ka sina bokon wooda. Kpa Asafu ka Yedutum ka Hemani ba n bu gbiie. ⁷ Be

ba womusu yē ka be ba bu swīi, be kpuron geera sāawa goobu ka wene ka nōba ita (288).

⁸ Ba tete tobawa bu ka sambahurun kpunaa yi. Ba n̄ n̄e, bukurowa gee, n̄ kun me biiwa gee. Meya ba n̄ maa n̄e, be ba womusu yēwa gee, n̄ kun me be ba torumōwa gee.

⁹⁻³¹ Wuuru ka wuurun wirugii be ba gōsa ka tete, be wee.

Yosefu, Asafun bweseru sō, wiya u sāa gbiikoo.

Ma Gedalia u sāa yiruse.

Ma Sakuri u sāa itase.

Ma Yiseri u sāa n̄n̄ese.

Ma Netania u sāa n̄ōbuse.

Ma Bukia u sāa n̄ōba tiase.

Ma Yesarela u sāa n̄ōba yiruse.

Ma Esai u sāa n̄ōba itase.

Ma Matania u sāa n̄ōba n̄n̄ese.

Ma Simeī u sāa w̄okuruse.

Ma Asareli u sāa w̄okura tiase.

Ma Hasabia u sāa w̄okura yiruse.

Ma Subaeli u sāa w̄okura itase.

Ma Matitia u sāa w̄okura n̄n̄ese.

Ma Yeremoti u sāa w̄okura n̄ōbuse.

Ma Hanania u sāa w̄okura n̄ōbu ka tiase.

Ma Yosibekasa u sāa w̄okura n̄ōbu ka yiruse.

Ma Hanani u sāa w̄okura n̄ōbu ka itase.

Ma Maloti u sāa w̄okura n̄ōbu ka n̄n̄ese.

Ma Eliata u sāa yenduse.

Ma Hotiri u sāa yenda tiase.

Ma Gidaliti u sāa yenda yiruse.

Ma Makasioti u sāa yenda itase.

Ma Romanti Esee u sāa yenda n̄n̄ese.

Wuuru baateren wirugii ka win yenugibu ba ra n̄ sāawa w̄okura yiru.

26

*Be ba ra s̄aa yerun k̄ann̄osu**k̄osu*

¹ Ba be ba ra s̄aa yerun k̄ann̄osu k̄osu b̄onu kua wuu wuuka. Koren bweseru s̄o, M̄eselemia, Koren bii, Asafun debubuwa ba ḡosa. ² Bibu n̄ooba yiruwa u mara. Wee nge m̄e ba ka sw̄ine. Sakari ka Yedieli ka Sebadia ka Yatinieli, ³ ka Elamu ka Yokanani ka sere Elionai.

⁴ Ba maa Ob̄edi Ed̄omu ḡosa. Ma Yinni Gusun̄o u n̄un domaru kua, u bibu n̄ooba ita mara. Wee nge m̄e ba ka sw̄ine. Semaya ka Yosabadi ka Yoasi ka Sakaa ka Netan̄eli, ⁵ ka Amieli ka Isakari ka sere P̄elitai. ⁶ Semaya, Ob̄edi Ed̄omun bii ḡbiikoo u bibu mara be ba kua damgibu, begibun suunu s̄o. Domi ba s̄aawa w̄eruḡoba. ⁷ Bii bera, Otini ka Refaeli ka Ob̄edi ka Elisabadi ka sere ben w̄on̄obu yiru beni, Elihu ka Semaya be ba s̄aa w̄eruḡoba. ⁸ T̄on be kpurowa ba s̄aa Ob̄edi Ed̄omun bibun bweseru. Be ka ben bibu ka ben dusibu ba s̄aawa w̄eruḡoba ma ba hania m̄o s̄amburu s̄o. Ba s̄aawa t̄ambu wata ka yiru.

⁹ M̄eselemian bibu ka win w̄on̄obu ba s̄aawa t̄ambu w̄akura n̄oobu ka ita. Be kpuro ba s̄aawa w̄eruḡoba.

¹⁰⁻¹¹ M̄erarin bweseru s̄o, Hosawa ba ḡosa. Bibu nn̄ewa u mara. Bera Simiri ka Hilikiya ka Tebalia ka Sakari. Ma u Simuri kua ben wirugii baa m̄e n̄ n̄ wi u s̄aa bii ḡbiikoo. Hosan bibu ka win w̄on̄obu ba s̄aawa t̄ambu w̄akura ita.

¹² K̄ann̄o k̄sobun wuu ni, ka nin wirugibu ka ben m̄ero bisibu, bera ba ko n̄ da k̄ann̄osu k̄osu Yinni Gusun̄on s̄aa yer̄o. ¹³ Ba k̄ann̄osu b̄onu kuawa

ka tete, yenu ka yenu, bibu ka bukurobu, baawure u n ka yē mi u koo kōsu.

¹⁴Ye ba tete toba, sōo yari yeru giara Selemia u wa. Ma win bii Sakari wi u sãa bwisi kēo u maa sōo yēsan nōm geu gia tete di. ¹⁵Obedi Edomuwa u sōo yēsan nōm dwarugia tete di. Ma win bii u maa yenusu tete di mi ba ra dīanu bere. ¹⁶Supimu ka Hosawa ba kōnnō ge ga wãa sōo duu yeru gia tete di, ka ge ba mō Saleketi, ga mēera swaao ye ya dōo gunguru gia. Kōso be, ba mēerinewa.

¹⁷Tōo baatere Lefiba nōoba tia ba ra n wãa sōo yari yeru gia, kpa tōmbu nne ba n wãa sōo yēsan nōm geu gia, kpa nne ba n wãa sōo yēsan nōm dwarō kpa nne ba n maa wãa diao mi ba ra dīanu bere. Adama ba diagii be bōnu sãawa wuunu yiru, wuu teerō tōmbu yiru. ¹⁸Sōo duu yeru gia, dia ye ba gōri gōri sōo, tōmbu yiru, swaan bera gia, maa tōmbu yiru.

¹⁹Kōnnō kōsobun wuu ni ba kua Kore ka Merarin bwese kerī sōo, niya mi.

Sōma ye ba Lefi gabu wē

²⁰Lefiba sōo, Akiyawa u ra Yinni Gusunōn sãa yerun arumani bere ka sere maa kēe ni ba ka Yinni Gusunō naawa. ²¹Geesōnin bweseru sōo, Ladanin bibun bwesera ba sãa yenu yērobu. Wee nge me ba ka swiine. ²²Yeyeli ka win bibu Setamu ka win wōnō Yoeli bera ba ra Yinni Gusunōn sãa yerun arumani bere. ²³Amuramun bweseru sōo ka Yiseharin bweseru sōo, ka Heboronin bweseru sōo ka Usielin bweseru sōo, ²⁴Sebueli, Geesōmun bii, Mōwisin debubuwa u sãa arumanin berobun wirugii. ²⁵Win bweseru sōora Eliesee, Geesōmun wōnōn bibun bwesera wãa. Rehabia, Elieseen bii u Esai mara. Ma Esai u Yoramū mara. Ma Yoramū u

Sikiri mara. Ma Sikiri u Selomiti mara. ²⁶ Arumani ye sina boko Dafidi ka yenu yērobu ka tabu kowobu nərəm nərəm ka wunəm wunəm wirugibu ka tabu sinambu ba ka Yinni Gusunə naawa, yera Selomiti ka wigibu ba kōsu. ²⁷ N deema arumani ye ba tabu di, yen sukuma ba ka Yinni Gusunə naawa bu ka win sāa yeru səmə. ²⁸ Arumani ye Gusunən səmə Samuēli ka Səəlu, Kisin bii ka Abinεε, Nərin bii ka Yoabu, Seruyan bii, ba ka Yinni Gusunə naawa, Selomiti ka wigii bera ba maa ye kpuro berua.

²⁹ Kenania ka win bibu be ba wāa Yiseharin bweseru səə, bera ba ra təmbun wunanəsu ka siribu ko Isirelin temə.

³⁰ Hasabia ka təmbu nərəbu ka nata ka wunəbu (1.700) gabu be ba sāa wərugəba Yiseharin bweseru səə, bera ba Isireliban tem kpare mε mu wāa Yuudenin sōə duu yeru gia. Bera ba ra maa Yinni Gusunən sāa yerun səmburu ko ka maa sina bokogiru. ³¹ Yeriya wa u sāa wirugii Heboronin bweseru səə. Dafidin bandun wōə weeruse səəra ba bwese ten tōkan kaso kua. Ma ba wərugəba wa be səə Ya sεεə Galadin temə. ³² Yerian mero bisi be, ba sāawa wərugəba. Be kpuro maa yenu yēroba. Ben geera sāawa nərəbun suba yiru ka təmbu nata ka wunəbu (2.700). Bera ba Yinni Gusunən sāa yerun səmburu ka maa sina bokogiru nəmu beria bera mi Rubeniba ka Gadigibu ka Manasen bwese keran sukumgiba wāa sōə yari yeru gia.

27

Tabu kowobun səma

¹ Wee Isireli be ba sina bokon səmburu mə. Ba sāawa yenu yērobu ka tabu kowobu nərəm nərəm ka wunəm wunəm wirugibu. Bera ba ra tabu

kowobun wuunu kpare be ba ra n sɔmburu naamɔ suru ka suru, wɔɔ sɔɔ. Wuuru baatere ta sɔawa tambu nɔrɔbun suba yɛnda nne (24.000). ²⁻¹⁵ Wuu nin baatere ta ten wirugii mɔ.

Suru gbiikoo sɔɔ, Yasobeamu, Sabudielin bii, Perɛsin bweseru sɔɔ, wiya u wuu gbiikii ten tabu sinambu kpara.

Suru yiruse sɔɔ, Dodai, Akosigiiwa u wuuru yiruse kpara. Ma Mikoloti u sɔa win yiruse.

Suru itase sɔɔ, Bɛnaya, yɔku kowo Yehoyadan biiwa u wuuru itase kpara. U sɔawa tabu durɔ wɔrugɔba tɛnan turo. Wiya u maa sɔa ben wirugii. Win bii Amisabadiwa u nɔn kɔsire kua u wuu te kpara.

Suru nnese sɔɔ, Asaeli, Yoabun mɔɔwa u wuuru nnese kpara. Yen biruwa win bii Sebadia u nɔn kɔsire kua.

Suru nɔɔbuse sɔɔ, Samɛhutu Yisiragiiwa u wuuru nɔɔbuse kpara.

Suru nɔɔba tiase sɔɔ, Yira, Ikɛsin bii, Tekoagiiwa u wuuru nɔɔba tiase kpara.

Suru nɔɔba yiruse sɔɔ, Helɛsi Palonigii, Efaraimun bwese kɛra sɔɔ, wiya u wuuru nɔɔba yiruse kpara.

Suru nɔɔba itase sɔɔ, Sibekai Husagii, Serakin bwese kɛra sɔɔ, wiya u wuuru nɔɔba itase kpara.

Suru nɔɔba nnese sɔɔ, Abiesɛɛ Anatɔtugii, Bɛnyamɛɛn bwese kɛra sɔɔ, wiya u wuuru nɔɔba nnese kpara.

Suru wɔkuruse sɔɔ, Marai Nɛtofagii, Serakin bwese kɛra sɔɔ, wiya u wuuru wɔkuruse kpara.

Suru wɔkura tiase sɔɔ, Bɛnaya Piratonigii, Efaraimun bwese kɛra sɔɔ, wiya u wuuru wɔkura tiase kpara.

Suru wɔkura yiruse sɔɔ, Helidai Nɛtofagii, Otiniɛlin

bwese kera sɔɔ, wiya u wuuru wɔkura yiruse kpara.

Bwese kerin wirugibu

¹⁶ Wee be ba sãa Isireliban bwese kerin wirugibu.

Rubenin bwese kera sɔɔ, Eliesee, Sikirin biiwa u sãa wirugii.

Simɛɔn bwese kera sɔɔ, Sefatia, Maakan biiwa u sãa wirugii.

¹⁷ Lefin bwese kera sɔɔ, Hasabia, Kemuelin biiwa u sãa wirugii.

Aronin bibun bweseru sɔɔ, Sadɔkuwa u sãa wirugii.

¹⁸ Yudan bwese kera sɔɔ, Elihu, Dafidin mero bisibu sɔɔ, wiya u sãa wirugii.

Isakaran bwese kera sɔɔ, Omiri, Mikaelin biiwa u sãa wirugii.

¹⁹ Sabulonin bwese kera sɔɔ, Yisimaya, Abudiasin biiwa u sãa wirugii.

Nɛfitalin bwese kera sɔɔ, Yerimoti, Asirielin biiwa u sãa wirugii.

²⁰ Efaraimun bibun bweseru sɔɔ, Hosee, Asasian biiwa u sãa wirugii.

Manasen bwese keran sukumgibu sɔɔ, be ba wãa sɔɔ duu yeru gia, Yoeli, Pedayan biiwa u sãa wirugii.

²¹ Manasen bwese keran sukumgibu sɔɔ, be ba maa wãa sɔɔ yari yeru gia, Galadin temɔ, Ido, Sakarin biiwa u sãa wirugii.

Bɛnyamɛɛn bwese kera sɔɔ, Yaasieli, Abunɛɛn biiwa u sãa wirugii.

²² Danun bwese kera sɔɔ, Asareli, Yerohamun biiwa u sãa wirugii.

Tɔn beni kpurowa ba sãa Isireliban bwese kerin wirugibu.

²³ Dafidi u n̄ Isireliba gara be ba wɔɔ yɛndu mɔ ka be ba n̄ tura mɛ, yɛn s̄ Yinni Gusunɔ u n̄ m̄wɛɛru kua ma u koo Isireliba dabiasia nge wɔllun kperi. ²⁴ Yoabu, Seruyan biiwa u raa Isireliba garibu torua, ma ya Yinni Gusunɔ m̄ru kua. Yen s̄na u n̄ ye kurasie. Adama ba n̄ tɔn be ba gara min geeru yoruɔ sina boko Dafidin w̄arun faagin tireru sɔɔ.

Dafidin s̄m kowobu gabu

²⁵ Asimafeti, Abudiɛlin biiwa u ra sina bokon arumani bere.

Yonatham, Osiasin biiwa u ra maa gbean d̄ianu bere, wuu marosuginu ka baru kpaanuginu, ka sere k̄su yenuginu.

²⁶ Ɛsiri, Kelubun bii wiya u s̄a be ba gbean s̄ma m̄n wirugii.

²⁷ Simeɪ, Ramagii, wiya u s̄a resem gbaa s̄m kowobun wirugii.

Sabidi Sefamugii, wiya u s̄a mi ba ra tam bere kpuron wirugii.

²⁸ Baali Hanani, Gedɛɛgii, wiya u ra d̄a ye ba m̄ olifi ka sikam̄re ye ya w̄a w̄wa ye ba m̄ Sefalaɔn wunan̄su ko.

Yoasi, wiya u maa s̄a gum beru yenun wirugii.

²⁹ Sitarai Saronigii, wiya u ra ketɛ yi ba kparam̄ Saroniɔn wunan̄su ko.

Safati, Adilain bii, wiya u ra maa ketɛ yi ba kparam̄ w̄wi s̄ɔn wunan̄su ko.

³⁰ Obili, Isimɛɛli, wiya u ra yooyoo si ba m̄n wunan̄su ko.

Yesidia Meronotugii, wiya u ra maa keteku ninu ni ba mən wunanəsu ko.

³¹ Yasisi Hagarenigii, wiya u ra yāa ni ba mən wunanəsu ko.

Beni kpurowa ba sina boko Dafidin arumanin wunanəsu mə.

Sina bokon gerunasibu

³² Yonatham, Dafidin dusiwa u sāa win bwisi kēo. Yonatham wi, u bwisi ka yēru mə too. Yehieli, Hakumənin bii wiya u sāa sina bokon bibun keu koosio. ³³ Ahitofeli u maa sāawa sina bokon bwisi kēo. Usai Aakigii, wiya u sāa sina bokon bōo kpaasi. ³⁴ Ahitofelin biru, Yehoyada, Benayan bii ka Abiataa, beya ba maa kua win bwisi kēabu. Ma Yoabu u sāa win tabu sunə.

28

Dafidi u Saloməə yiire

u Yinni Gusunən sāa yeru bani

¹ Dafidi u Isireliban guro gurobu kpuro menna Yerusalemə ka ben bwese kerin wirugibu ka tabu kowo wuunun wirugibu ka tabu sinam be ba tabu kowobu nərəm nərəm ka wunəm wunəm kpare ka be ba sina bokon arumani ka win sabenun wunanəsu mən wirugibu, ka win bibun keu koosiobu ka win sina kpaarun səm kowobu ka win tabu durə wərugəba ka ben dangibu kpuro gesi. ² Yera sina boko Dafidi u seewa u yōra u nεε, bεε nən mero bisibu, bεε nən təmbu kpuro, i man swaa dakio i nə. Wee na raa gōru doke n Gusunə bεsən Yinni diru bania mi ba koo win woodan kpakororu yi te ta sāa win naa sənditiru, ma na sōoru sāa n ka tu bani. ³ Adama u man sōowa u nεε,

n n̄ n̄e kon tu bani. Domi na s̄āwa t̄onu wi u tabu kua ma u yem yari. ⁴ Wi, Gusun̄o b̄ese Isireliban Yinni u man ḡosa n̄en t̄undon ȳenun di n ka ko b̄ee Isireliban sun̄o sere ka baadommā. Yellun di, Yudan bwesera u kua wirugii. Yudan bwese te s̄o, ma u n̄en t̄undon ȳenu ḡosa. N̄en t̄undon ȳenu ge s̄o, ma u man ḡosa n ka bandu di b̄ee Isireliba s̄o. ⁵ Yinni Gusun̄o u man bii dabiru k̄ā. Be s̄ōra u Salom̄o ḡosa u sw̄i b̄ee Isireliban sina ḡona s̄o, ye ya s̄ā wi, Yinni Gusun̄oḡia. ⁶ U man s̄ōwa u n̄ee, n̄en bii Salom̄ōwa u koo n̄un diru bania ka ten yaari mi ba ko n da n̄un s̄ā. Domi wiya u ḡosa u n ka s̄ā nge win bii kpa wi, Yinni Gusun̄o u n maa s̄ā nge win tundo. ⁷ U koo win bandun dam sire sere ka baadommā ù n win woodaba ka win yiirebu m̄em n̄ōwamm̄e nge m̄e u m̄ò gis̄o. ⁸ T̄ē, n̄egibu, na b̄ee yiirem̄o Isireliba, Gusun̄on t̄ombun wuswaāo ka Gusun̄o bes̄en Yinnin tii wi u sun swaa dakin wuswaāo, i de i win wooda m̄em n̄ōwa, i ye n̄ene b̄een ḡorus̄o kpa i wa i n tem m̄e m̄o, kpa i maa b̄een bibu mu deria bu tubi di sere ka baadommā.

⁹ Ma u maa n̄ee, wun̄e maa Salom̄o n̄en bii, a Gusun̄o, n̄e wunen t̄undon Yinni gio kpa a n̄un s̄ā ka wunen ḡōru kpuro ka wunen bw̄era kpuro. Domi wiya u ra t̄ombun ḡorusu ka ben bwisikunu w̄eri. À n n̄un kasu, u koo de a n̄un wa. Adama à n n̄un deri, u koo maa nun deriwa sere ka baadommā. ¹⁰ T̄ē, a n ȳe ma Yinni Gusun̄o u nun ḡosawa a ka n̄un diru bania mi ba ko n da n̄un s̄ā. Yen s̄ō a de a n w̄aruḡaru m̄o kpa a se a s̄omburu ko.

Dafidi u Salom̄o

s̄ā yee ten kpunaa w̄ē

11 Yen biru Dafidi u win bii Saloməə sãa yee ten kpunaa wē ka ten dia ye ba gəri gərigia, ka ten arumani beru yerugia, ka dii wəruginugia, ka dii səəkinugia, ka dii tèn mi ba koo Yinni Gusunən woodan kpakororu yigia. 12 Dii ten kpunaa kpurowa u nùn wē ye u raa himba sãa u ko kpuro. Yera sãa yerun yaarin kpunaa ka dia ye ya ka yi sikerenəgia ka dia yèn mi ba ko n da sãa yee ten arumani beregia, ka yèn mi ba ko n da kēnu beregia ni ba Gusunə wē, 13 ka nge mε ba yāku kowobu ka Lefiba bənu kua wuu wuukagia, ka nge mε ba ko n da ben səmburu koosinə Yinni Gusunən sãa yerəgia, ka sere maa dendi yāa ni ba ko n da ka səmburu kogia. 14 U nùn wura sōosi ye u koo ka dendi yāa wuraginu ko, nge mε nin baaniren bunum nε. Ma u nùn sii geesu sōosi si u koo ka dendi yāa sii geesuginu ko, nge mε nin baaniren bunum nε. Ba koo dendi yāa ni kowa nin baanire ka nin səmburu. 15 Mεya u maa bu wura ka sii geesun bunum saka wē ye ba koo ka dabu wuraginu ka sii geesuginu ko, ni kpuro ka nin fitilaba. 16 U maa nùn wura wē mèn saka ba koo ka tabulu wuragii ko mi ba ko n da Yinni Gusunə pēε yiiye, ma u maa nùn sii geesu wē u ka tabulu gεε ko. 17 Yen biru u maa nùn sōosi nge mε ba koo kaato donnuginu koosina ka gbēa ka nəri yi ba kua ka wura gea ka sii geesugii, ka yin baayeren bunum, 18 ka yāku yee wuragiru mi ba ko n da turare dōo doke ka ten bunum. U maa nùn sōosi nge mε ba koo naa keke ka wəllun kōsobun weenasibu koosina ka wura. Yin kasi yi ko n dəriewa yi n Yinni Gusunən woodan kpakororu wukiri. 19 Ma Dafidi u nεε, Yinni Gusunən tiwa u yeniba kpuron

kpunaa yorua u man wē. Ma u man yen bwisi wē n ka ye tubu.

²⁰ Yen biru, Dafidi u win bii Saloməə sōwa u nεε, a tii dam kēə, kpa a n wərugəru mə, kpa a se a səmburu ko. A ku bεrum ko, a ku maa nanda. Domi Gusunə nən Yinni u ko n ka nun wāa. U n nun de-rimə, u n maa nun biru kisimə sere win sāa yee ten səmburu kpuro tu ka wiru goora. ²¹ Yāku kowobu ka Lefiba wee ba bənu sāa wuu wuuka bu ka Yinni Gusunən sāarun səma ko. N n sāa yee ten banan sən na, təmbu wee be ba səm bwese bwesekan kobu yē ba maa tii wē ka kīru. Be ka wirugibu ka Isireliba kpuro ba koo nun wiru kpīya.

29

Kēε ni ba wē

sāa yee ten banan sō

¹ Sina boko Dafidi u tən be ba mənne mi kpuro sōwa u nεε, nən bii Saloməə wi Yinni Gusunə u gəsa, u sāawa bii piibu. U n gina təmbun kparabun bwisi mə. Səmbu te u koo maa ko ta kpā, domi sāa yee te, ta n ko n sāa tənugiru. Ta ko n sāawa Yinni Gusunəgiru. ² Na nən dam kpuro doke n ka Gusunə nən Yinni sāa yee ten banan sōru ko. Dendi yāa ni ba koo ko ka wura, na nin wura yii. Ni ba koo maa ko ka sii geesu, na nin sii geesu yii. Ni ba koo maa ko ka sii gandu, na nin sii gandu yii. Ni ba koo maa ka sii wəkusu ko, na nin sii wəkusu yii. Ni ba koo maa ko ka dāa, na nin dāa yii. Ni ba koo maa ko ka kpee gobigii nən bwese bwesekaginu, na nin kpee gobiginu yii. Ma maa kpee kpiki buranu yii nu kpā. ³ Gusunə nən Yinnin sāa yee ten kīrun sō, wura ye na mə ka sii gee si na mə, ye kpurowa na wē sāa yee

ten sō ye na raa sōru kua yellu baasi. ⁴ Yera wura ye ya na Ofirin di tōnnu wunōbu (100), ka sii geesu tōnnu goobu ka weeru (240) bu ka sāa yee ten gani pote, ⁵ ka sere maa dendi yāa ni ba koo ka wura ko ka ni ba koo ka sii geesu ko, dendi yāa ni sōm kowo be, ba koo gesi ko kpuro. Tē, bεε sō, wara kī u Yinni Gusunō kēru wē ka nuku tia, kpa sōm kowobu bu ka ye gāa wuraginu ka sii geesuginu seku.

⁶ Yera yenu yērobu ka Isireliban bwese kerin wirugibu ka tabu kowobu nārōm nārōm ka wunōm wunōm wirugibu ka sina bokon sōm kowobun wirugibu ba kēnu wē ka nuku tia. ⁷ Ye ba wē Yinni Gusunōn sāa yee ten sō, yera wuran tōnnu wunaa wata ka wākuru ka wuran gobi nārōbun suba wākuru (10.000) ka sii geesun tōnnu gooba wunōbu (300) ka sii gandun tōnnu nata (600) ka sii wākusun tōnnu nārōbun suba ita (3.000). ⁸ Be ba kpee gobiginu mō, ba nu Yeyeli, Gεεsōnin bweserugii wē u doke Yinni Gusunōn sāa yerun arumanin beru yerō. ⁹ Tōn be kpuro ba nuku dobu kua kēε ni ba Yinni Gusunō wēn sō, domi ba nu wēwa ka nuku tia. Ma sina boko Dafidin tii u nuku doo bakabu kua.

Dafidin kanaru

¹⁰ Dafidi u Yinni Gusunō siara tōn be ba mēnne mi kpuron wuswaa. U nεε, i Gusunō besen sikado Yakōbun Yinni siaro sere ka baadomma. ¹¹ Yinni Gusunō, wuna a kpā, a dam mō, a maa yiiko mō. A n nōru mō. Domi wuna a mō kpuro ye ya wāa wōllō ka ye ya wāa temō. Wuna a bandu dii, wuna a kpuro kere. ¹² Wunen min diya dukia ka bεεε ya ra nε. Wuna a bandu dii kpuron wōllō. Wunen nōmuōra dam kpuro mu wāa. Wuna kaa kpī a

gāanu kpuro walle sua kpa a nu tāsisia. ¹³ Tē, Gusunə bəsen Yinni, sa nun siaramə, sa maa wunen yīsirun kpāaru bēere wēemə. ¹⁴ Ne ka nen tambu sa n̄ gāanu tura su ka nun kēnu wē. Gāanu kpuro naaməwa wunen min di. Ye sa maa nun wēemə kpuro, wunen min diya sa ye waamə. ¹⁵ Sa bəsen wāaru diməwa wunen wuswaaə nge səbu nge me bəsen sikadoba ba kua. Bəsen wāarun tōru kpuro koo doonawa nge saaru, yīiyəbu sari. ¹⁶ Gusunə bəsen Yinni, wuna a kpuro mə. Wunen min diya arumani yeni kpuro ya wee ye sa sōru kua su ka nun diru bania te ta ko n wunen yīsi dēeraru sōwa. ¹⁷ Gusunə nen Yinni, na yē ma wuna a ra tənun gōru wēeri, a ra maa gem kā. Wee na ka nun kēe nini naawa ka gōru dēerə. Na maa wa wunen tən be ba wāa mini, ba nun kēnu wēemə ka nuku dobu. ¹⁸ Gusunə, bəsen sikadoba Aburhamu ka Isaki ka Yakəbun Yinni, a de wunen təmbun gōrusu ka ben bwisikunu nu n sāa mēni baadomma, kpa ben gōrusu su n tāsā wunə sə. ¹⁹ Kpa a de nen bii Saloməən gōru ga n sō, u ka wunen yīirebu ka wunen sōsinu ka wunen woodaba mēm nəəwa, u ka ye kpuro səmburu ko, kpa u sāa yee te bani tən sō na sōru yeni kpuro kua.

²⁰ Dafidi u maa tən be ba mēne mi kpuro sōwa u nēe, i Gusunə bēen Yinni siaro.

Ma be kpuro ba Gusunə ben sikadoban Yinni siara, ba yīira win wuswaaə ka maa sina bokon wuswaaə.

Ba Saloməə kua sina boko

²¹ Yen sisiru, ba Yinni Gusunə siarabun yāku nu ka yāku dōə mwaararuginu kua ka ketē nərəbu (1.000) ka yāa kinenu nərəbu (1.000) ka yāa

kpemminu nārəbu (1.000), yāku nin baatere ka ten tam. Ma ba maa yāku dabinu ganu kua Isireliba kpuron s̄. ²² Yen t̄ə te, ba di ba n̄ra Yinni Gusun̄n wuswaā ka nuku doo bakabu. Ma ba maa Salom̄ə Dafidin biin bandu dam sire ba n̄n gum t̄are wir̄ə n̄n yiruse Yinni Gusun̄n wuswaā, u ka ko kparo. Yen biru, ba maa Sad̄oku gum t̄are wir̄ə ba n̄n kua yāku kowo. ²³ Salom̄ə u sina Isireliban sina ḡn̄ə ye ya maa s̄a Yinni Gusun̄gia. U kua sun̄ə win tundo Dafidin ayer̄ə. U kuura, ma Isireliba kpuro ba n̄n wiru kp̄īya. ²⁴ Wirugibu ka tabu kowo dangibu ka mam sina boko Dafidin bii be ba tie kpuro, ba n̄n wiru kp̄iyawa. ²⁵ Yinni Gusun̄ə u Salom̄ə w̄alle sua Isireliba kpuron suunu s̄ə. Ma u win bandu girima doke n kere sinam be ba n̄n gb̄īye Isirelīə.

Dafidin ḡə

²⁶ Dafidi Isain bii u bandu di Isireliba kpuro s̄ə. ²⁷ U bandu diwa w̄ə weeru Isireliba s̄ə. Heboronīə w̄ə n̄əba yiru, Yerusalem̄ə maa w̄ə t̄ena ka ita. ²⁸ Dafidi u dukia ka girima wa. U t̄ək̄ə kuawa k̄ə k̄ə. Ma u gu b̄ari ȳendu s̄ə. Ma win bii Salom̄ə u bandu k̄əsire kua.

²⁹ Ye sina boko Dafidi u gb̄ia u kua, ka ye u kua d̄aku te, ye kpuron gari yi yorua yam wao Samuelin tireru s̄ə ka Gusun̄n s̄m̄ə Natanin tireru s̄ə, ka sere maa yam wao Gadin tireru s̄ə. ³⁰ Tire ni s̄əra ba maa win bandun gari yorua ka win w̄əruḡəru, ka ye n koorā Isireliban tem̄ə ka tem̄ə tukum̄ə win waati ye s̄ə.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 21 Feb 2024 from source files dated 31 Aug 2023

8631d380-7d17-5581-abf9-174814e8ccc3